



Cuater museo local ta ricibi aporte di A.T.A. como apoyo na nos historia y cultura

Pagina 5

Diaranson 16 di Augustus 2023 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,75 Florin

## Cumpradornan di Acqua Condominiums ainda wardando pa entrega di nan propiedad



Pagina 3

- **ELMAR: Un averahe di 1 pa 2 accidente di auto envolviendo palo di luz di caya tur siman**

Pagina 2

- **AUA Airport a demostra su compromiso cu crecimiento sostenibel**

Pagina 6

- **Grupo di derechonan humano a urgi intervencion internacional urgente pa violencia di gang**

Pagina 10

Thrive Foundation yudando hobennan deportista realisa nan estudio y practica deporte



Pagina 4

Economia Hulandes sufriendo, pero probablemente lo scapa recesion



Pagina 9

Venezuela ta registra e inflacion anual mas halto di mundo



Pagina 11

## PLAN NACIONAL DI MANTENCION

Bon mantencion di nos Grid ta percura pa siguridad y continuidad di distribucion di coriente pa tur sector di nos comunidad.

Ta evita interrupcion di coriente mientras cu e trabounan ta tumando lugar, si en caso ta necesario, lo avisa cu anticipacion.



ELMAR

Redefiniendo Energia



## ELMAR: Un averahe di 1 pa 2 accidente di auto envolviendo palo di luz di caya tur siman

**ELMAR ta dedica pa sigui promove un trafico sigur y pa proteha nos infraestructura electrico na Aruba. Den nos esfuersonan pa realisa esaki, nos ta comparti informacion tocante accidente di auto envolviendo palo di luz di caya.**

Un tendencia preocupante ta e cantidad di accidente di auto envolviendo palonan specialmente durante fin di siman. Nos ta registra entre 1 pa 2 caso di accidente di auto envolviendo palonan di luz di caya pa siman.

Te cu awe, durante 2023, nos a registra un total di 54 caso di accidentenan di auto envolviendo palonan di luz di caya. Esaki ta alarmante. Den e 54



casonan, 24 a sosode entre 11:00 PM pa 6:00 AM. Comparando añanan anterior, tin un aumento den casonan. Na e aña anterior, e suma total tabata 122 caso di accidentenan similar. Y na 2021, e suma total tabata 107 caso. E impacto di e accidente no ta solamente riba e infraestruc-

tura di coriente, pero tambe ta laga areanan den cercania sin suministro di coriente.

E informacion aki no ta inclui casonan unda trucknan ta ranca liñanan di distribucion. Tampoco casonan unda ELMAR no ta wordo poni na altura di e accidente. Alabes

ta preocupante e casonan di "hit & run", specialmente caminda ELMAR no ta wordo informa tocante e daño causa. E consecuencia di esaki ta cu nan ta pone conductor y peaton den cercania di e palo y e sistema di coriente den e area den un situacion vulnerabel.

Nos sa ricibi pregunta of sugerencia pa aloca e infraestructura electrico bou tera. Actualmente, e grid di coriente na Aruba ta 43% riba tera y 57% bou tera. E motibo di esaki ta e falta di espacio y tereno pa sigui construi mas trafokuizen rond di Aruba pa aloca henter e grid di coriente bou tera. Ademas cu e tera di Aruba ta seco y duro cu ta trece costonan haltu pa coloca henter e grid di coriente

bou tera. Den tur dos caso, e infraestructura di trafico di Aruba lo inclui palonan di luz di caya.

Pa e motibo aki, nos ta pidi tur conductor pa mancha cu cuidou, sigui reglanan di trafico, pa asina evita accidente di auto y mantene seguridad di trafico. Nos ta realisa cu esfuersonan cu nos ta haci pa mantene nos infraestructura electrico ta bay man den man cu e esfuersonan di nos comunidad pa mancha consciente den trafico.

Cuida bo mes y cuida otro. Tur hende riba caminda ta forma parti di nos comunidad, y nos tin cu traha hunto pa mantene un ambiente di trafico sigur pa un y tur.

## Sagicor Life Aruba ta anuncia nan Fun Walk en conexion cu nan 35 aniversario di existencia



**Ayera tardi durante un conferencia di prensa General Manager di Sagicor Life Aruba, Randall Croes, hunto Sonja Velthuisen, Sales Manager y Rafael Perez di IBISA a anuncia nan 5K Fun Walk en conexion cu celebracion di nan 35 aniversario.**

E meta di e evento aki, Croes a splica, ta pa e clientenan di Sagicor Life, publico y nan empleadonan pasa un atardi cu hopi alegria den un ambi-

ente agradabel.

"Nos ta hopi contento pa celebra un logro grandi cu nos coleganan y henter Aruba. Nos tin tremendo premionan pa duna e dia aki despues di e Fun Walk. Lo tin musica, un car show desde 10:00 or di mainta, un ehercicio pa warm up nos participantenan y hopi mas. Nos ta invita tur interesado pa registra na tempo prome cu esaki cera, pa sigura bo participacion na e evento historico aki," Croes a men-



ciona.

Participantenan por registra riba e website di Sagicor Life, [www.sagicor.com](http://www.sagicor.com). Contribucion pa e Fun Walk ta lo siguiente: Afl. 15.00 pa adulto y Afl. 10.00 pa mucha te cu 12 aña. Pago nan por wordo realisa por medio di IBISA. Cu recibo di pago e participantenan por pasa busca nan T-shirt na oficina di Sagicor.

Registracion lo tuma lugar te cu dia 24 di augustus, y buscamiento di T-shirt lo ta diaranson, 23 di augustus y diahuebs 24 di augustus, desde 9:00 am te

cu 6:00 pm y diabierna, 25 di augustus di 9:00 am te cu 4:00 pm na oficina di Sagicor Life.

Un maximo di mil persona por registra pa participa den e Fun Walk. Ademas di nan T-shirt, tur participante lo ricibi un medaya como recuerdo pa nan participacion na momento cu nan yega e meta final. .

Lo tin premio nan atractivo manera "dinner for two" y "weekend stay". Velthuisen a remarca cu tur hende mes-ter ta presente na momento di saca premio y tambe lo tin

un premio pa e grupo mas anima.

Sagicor Life su Fun Walk ta bay tuma luga dia 26 di august y ta cuminsa pa 5:30 pm, na e oficina di Sagicor Life. Prome cu e caminata sali, ta bay tin un warm up cu lo tuma luga 5or di atardi pa tur participante prepara.

Prome cu e Fun Walk cuminsa ta bay tin mainta, for di 10or di mainta, un Car Show di autonnan clasico pa tur e fanaticonan di autonnan clasico por pasa wak y saca potret cu nan auto preferi.



*Ainda no a cumpli cu sentencia di hues:*

## Cumpradornan di Acqua Condominiums ainda wardando pa entrega di nan propiedad



**Februari ultimo, Bon Dia Aruba a publica un articulo den cual Adrian Bianchi y Susana Matteo, un pareha di nacionalidad Argentino, a expresa nan malcontento pa e situacion cu nan a haya como inversionista despues cu a bende e proyecto di Acqua Condominiums cual a bira Radisson Blue. Awo, tanto luna despues, e pareha a tuma contacto un biaha mas pa expresa nan decepcion cu nada a keda resolvi.**

“Ya ta conoci cu Acqua Condominiums (cu awendia ta operando como Radisson Blu) tabata promociona e benta di unidadnan habitacional den un edificio di vivienda cu e promesa di ta 100% doño, y cu e terminacion di e obra a tuma un tempo exagera pa keda cla, siendo mas cu 10 aña,” e pareha a expresa a traves di un comunicado di prensa. “Pero lo mas alarmante ta cu a cambia completamente e contract di notario sin aviso na e cumpradornan y dunando tur bentaha na e desaroyador, Basiruti C.V. (Acqua Project), ken ta representa pa e bufete De Cuba/Ormel/Noordhuizen.”

Nan ta conta cu un tiki prome cu e cambio di contract “uni-

lateral y prehuicioso”, nan a haci un demanda den corte di Aruba unda ta dicta e entrega cumpliendo cu e contract original, pero no a cumpli cu e entrega. Nan a apela den corte na Corsou, cu a ratifica e entrega cu e contract en cuestion.

Te dia di ayera, 15 di augustus 2023 Acqua no a entrega nan propiedad – den e caso aki un apartamento. Bianchi y Matteo ta conta cu nan prome abogado, di Croes Wever Ruiz, ta bisa cu a pesar cua gana e caso, no por bay contra e deseo di e desaroyador, Basiruti C.V., cu no ta entrega nan propiedad “a menos cu nos firma e addendum extorsivo ey” y na e momento a informa nan cu lo stop di duna servicio na nan.

“Kiermen nos a haci e demanda, nos a gana esaki, nos a gasta un cantidad considerable di placa pagando Croes Wever Ruiz, y Acqua ta haci loke nan kier, no ta cumpli e sentencia di e hues na Aruba ni di e corte na Corsou.”

E ora nan a acudi na e bufete di Dr. Carol Lejuez, kende a informa nan cu ta posible pa haci un embargo pa forsa pa cumpli e orden di entrega, pero confronta cu e situacion aki, e abogadonan di Acqua ta menasa e deurwaardenan cu

accionnan legal si nan bay pa realisa e embargo aki, segun Matteo y Bianchi.

“Esey no ta tur, pa bay mas leu, Acqua, ademá di dissolve e contract anterior obligando pa firma un addendum pa realisa e entrega di e unidadnan cumpra – mester aclaria cu nos a consulta cu otro notario di Aruba y notario di Hulanda, y tur ta coincide cu e addendum y e sub-division di tereno y areanan comun cu ya nos a paga nan kier expropiá gratis for di nos, kitando derechonnan adkeri.”

Nan ta agrega cu “e disolucion aki y kadastrale registratie nobo ta oficia pa e notario Chamilla Tromp, kende ta informa tocante e desconformidad di e clientenan pa firma e addendum, y tambe ta debidamente notifica di e sentencia cu e Cortenan a duna y cual Basiruti C.V. no a cumpli; a pesar di esaki, notario Tromp a traha na favor di Acqua sin tene cuenta cu e derechonnan di e cumpradornan y tur e daño cu esaki ta ocasiona na nan.”

E pareha ta bisa cu nan a compronde cu e notarianan na Aruba ta nombra pa Corona y no por sirbi un partido

sino cu nan mester ta neutral y imparcial den nan trabao. “Aki ta resulta cu no ta asina.”

Awo Bianchi y Matteo ta puntra nan mes si e actonan realisa aki ta legal? Otro notarianan a bisa cu esaki no ta legal. “Ta legal pa haci un cambio rotundo di contract di forma unilateral contra e entrega di e apartamentonan? Ta etico y legal pa despoha e derechonnan adkeri cu firma di contract notaria y paga cash sin ningun compensacion? Ta corecto, legal y moral pa haci a traves di un notario un division nobo di tereno y areanan comun cu ya a cobra, sabiendo cu ta existi cliente cu no ta acepta pa firma e addendum y manera den nos caso tin un sentencia firme sin cumpli?” nan ta puntra.

Ademas, ta puntra tambe si “e kadastrale registratie nobo realisa pa notario Chamilla Tromp por keda na vigor teniendo cuenta cu e condicionnan abnormal aki pa e cumpradornan, tanto esnan cu a firma e addendum ya cu no a haya otro salida, como esnan cu no a firma, of talbes mester anula esaki? Lo tin husticia, of lo continua trapando e inversionistanan cu di bon fe a inverti cu esfuerso y ilusion na Aruba?”

“E conflicto aki ta conoci pa gobierno di Aruba, ken a duna como contesta cu ta trata di un conflicto entre particularnan, pero aki nos tin otro pregunta: E kadastrale registratie no ta pertenece na areanan di gobierno? E licencia y permiso pa hotel, ken ta otorga esakinan? Ken ta verifica y custodia e legalidad di e accionnan aki?”

Finalmente, e pareha ta bisa cu nan a compronde cu e bufete Croes Wever Ruiz, cu ta pertenece na tata di prome minister di Aruba, cu a haci e benta di e tereno na Palm Beach na e doñonan di Acqua Project y di cual un di nan awo ta minister di e actual gobierno, anteriormente tabata abogado di e desaroyadornan, pues cuestionando e imparcialidad di gobierno den e situacion aki.

Manera Bon Dia Aruba a publica na februari, pa e caso di Matteo y Bianchi ta existi e sentencia AUA201901701 cu fecha 07 di october di 2020 y



siguientemente tin otro sentencia di fecha 13 di januari di 2021 na unda hues a indica cu di acuerdo na loke e contract ta bisa, e desaroyador tin cu entrega e apartamentonan; sin embargo, na e momento ey, tanto Matteo como Bianchi a haya 5% back y e lunanan a sigui pasa sin cu nan por haya nada mas. Nan a dicidi di bay Corte di Apelacion di acuerdo na e consejo di nan abogado na unda HOF di Corsou a ratifica e sentencia anterior pa nan haya 5% back y nan propiedadnan tal cual manera e contract ta indica.

E disputa awo ta pasobra, segun Matteo y Bianchi ta sigura, kier a obliga nan di firma un extension di e contract (adendum) den cual nan mester a entrega e terenonan rond y cu nan como doñonan solamente por a huur por medio di e hotel Radisson Blu; a cambio Matteo y Bianchi mester a entrega e casa club, pool, di cual tur esey a wordo cobra cu 50% di e balar di e apartamentonan cu nan a paga caba.

Matteo y Bianchi no ta e unico personanan afecta, tin mas o menos 14 persona cu a firma e anexo debi cu nan ta sigura cu nan no a haya un otro opcion. Na februari, Jose Potenza Perez tambe a bin dilanti pa expresa su malcontento cu un situacion similar.

Por lesa mas tocante e situacion cu Acqua Condominiums riba nos website, <https://www.bondia.com/?s=acqua>.



# Thrive Foundation yudando hobennan deportista realisa nan estudio y practica deporte

**Thrive Foundation ta un fundacion relativamente nobo cu ta dedica na yuda hobennan deportista persigui nan soño di hunga deporte combina cu nan estudio den exterior. Na 2021 Randolph Oduber, presidente di Thrive Foundation, hunto cu su ruman y pareha a tuma e decision di haci e fundacion un realidad pa cuminsa yuda e hobennan cu soño- y aspiracionnan grandi pa nan futuro.**

Oduber no ta desconoci den e mundo di deporte. El a lanta den e mundo deportivo y for di chikito e ta hunga baseball. Ora el a cumpli 19 aña el a sigui su estudio na Merca unda el a hunga baseball tambe dos aña. Despues el e haya e oportunidad pa firma profesional cu Washington Nationals y el a hunga cu nan te cu aña 2016. Despues di eynan el a sigui hunga profesional den otro liga y na mesun momento e tabata hunga cu e seleccion di Hulanda for di 2013

Na 2021 Oduber a dicidi cu e kier stop cu baseball pa mi cuminsa enfoca ariba su futuro. “Esaki pa mi ta encera coaching y mi tabata kier mi mesun negoshi y tin un estabilidad di sa unda mi kier yega den mi bida. Baseball no ta pa semper y mi tabata sa cu cada aña ta un aña importante y mi ta sinti cu e aña ey pa mi financieramente baseball no tabata duna mi locual mi tabata merece mas, dus baseball mes a bisa mi ta basta, maske mi culpa ta bisa mi sigui hunga, pero mi ta kere baseball mes a bisa mi ta tempo pa duna e siguiente stap,” el a splica.

E idea di e fundacion semper tabata den Oduber su mente y semper e kier a duna back na comunidad den un manera of otro. Despues cu COVID a yega el a tuma decision pa cuminsa move pa lanta Thrive Foundation Aruba.

El a splica cu e meta di e fundacion ta pa manda mas atleta afo pa nan por haci nan estudio hunto cu nan deporte. Pa Oduber ta hopi importante pa e muchanan por keda practica nan deporte mientras nan ta studia na un nivel halto.

“Mi ta kere esey ta un di e parti mas importante y duna



back na comunidad tambe ora cu yega asina leu cu nos por recauda fondo pa duna back na comunidad, specialmente e parti estudio y deporte,” el a remarca.

El a sigui splica cu pa aworaki e studentenan ta bay Merca solamente door cu e tin hopi experiencia bayendo Merca. El a agrega cu poco poco e ta hayando contacto cu Hulanda, pero Hulanda ta un tiki diferente pasobra e scolnan no ta hunto cu baseball, a menos cu e estudiante bay un top school programa, cu cual e fundacion a cuminsa haya conexion pa den futuro talbes nan cuminsa bay den e direccion ey, pero aworaki nan ta enfoca riba Merca.

Oduber tin un vision cla pa su fundacion y esey ta segura pa cada mucha caba nan estudio, pa nan hunga e nivel di deporte mas halto cu nan por hunga, duna back na comunidad y pa nan ta exitoso den nan bida.

“Mi ta kere pesey prome cu nos manda nan afo nos ta prepara nan fisicamente y mentalmente. Mi ta papia hopi cu nan pasobra mi sa cu e no ta facil. Bo no ta bayendo Hulanda, bo ta bayendo Merca y tin di nan ta bayendo scol nobo cu nunca niun Arubiano a bay, dus nan ta bay ta practicamente nan so y nan no conoce niun hende,” el a remarca.



Basa riba su mesun experiencia ora el a bay afo, e ta yuda e muchanan ta mentalmente prepara. “Bo por ta fisicamente prepara, pero si mentalmente bo no ta fuerte y sa kico pa haci durante cu bo ta bo so e ta bira un tiki dificil. Pa nan ta exitoso mi ta kere nan mester ta mentalmente fuerte y ta cla pa e reto nobo cu nan ta bay tuma,” el a agrega.

Pa loko ta e proceso pa manda e muchanan afo, Oduber a splica cu como cu e mes a bay college y tin conexon cu e coachnan ainda, esey ta un conexon facil. Pero tin biaha nan ta usa terceros cu tin hopi conexon y nan ta busca diferente scol cu e fundacion por scoge di dje pa manda e studentenan atleta.

Un di e metanan cu e fundacion tin den e aspecto aki ta pa aki algun aña nan tin diferente opcion cu nan por scoge y manda e muchanan, basa ariba nan nivel, na diferente scol.

Oduber ta yuda muchanan cu

ta train pa firma profesional, pero semper e ta hinca den nan cabes cu firma ta djis un stap, e no ta tur cos, y ta importante pa nan haci nan scol tambe.

“Mi ta purba di splica nan tin scol y hopi di nan na Aruba si cu 16 aña nan no a firma, pa nan e ta duro, pero mi ta splica nan cu si nan kier bay college, nan mester bay cu 18 pa 19 aña, dus nan tin algun aña pa warda y e pasenshi ey mi ta purbando di traha cu nan pa nan sa cu ta okay pa nan keda hunga y train na Aruba, haci nan scol tranquil y cu 18-19 aña nos ta wak con leu bo ta. Por ta bo ta bay Hulanda of Merca. Hopi decision por wordo cambia durante e añanan ey y ora nan yega e edad necesario nos ta wak con nos ta yuda,” el a remarca.

Recientemente e fundacion a haci un clinica di baseball cu Hainley Statia, infield coordinator di Los Angeles Angel y manager di e ekipo nacional di baseball di Corsow. Plannan pa futuro pa e fundacion ta inclui haci mas clinica of camp, pero mester recauda fondo pa nan por cuminsa inverti mas.

E fondonan pa e fundacion ta bin di e fundacion mes y di Andreton Simmons. Oduber ta splica cu na principio ora cu el a habri e fundacion, el a acerca Simmons cu ta un ex hungador di MLB y cu el a bay scol cune. “Mi a acerke y a splik’e e plannan y e ta e prome persona cu mi por

bisa cu a inverti y a duna na e fundacion y cu te cu awe ainda nos ta usa su donacion,” el a agrega.

Un aspecto importante cu Oduber ta enfoca hopi riba dje ta disciplina. “Sin disciplina bo ta bay haya bo den problema y nos no kier esey pa nos fundacion,” el a enfatisa.

Pa e fundacion disciplina ta hopi importante y e puntonan na scol ta un parti hopi importante. Oduber ta splica cu durante estudio na un scol afo, e muchanan mester corda cu nan ta estudiante atleta, no un atleta estudiante y esey ta nifica cu scol mester ta bon y si e scol no ta bon, nan no por ta un atleta y nan no mag di hunga.

“Mi ta enfoca hopi riba esey y esey ta bin door di disciplina. Tin cierto cosnan manera sali ta leuk, pero nan tin nan momento y bo mester zorg pa e dos cosnan cu ta bo estudio y bo training ta na prome luga. Ora bo ta cla cu e dos nan ey bo por disfruta, mi no ta bisando bo no mag di disfruta, pero bo mester enfoca ariba bo meta prome,” el a resalta.

Apart di su fundacion, Randolph tambe a lansa su propio marca di ekipo derpotivo. El a splica cu e iniciativa a cuminsa cu tres otro pelotero cu cual e hunga hunto den seleccion. Nan tur a uni y lanta nan mesun marca, Dream Glove Co.

E oficina principal ta na Merca y nan ta traha hopi ekipo di baseball, glove, uniform, batting glove, faha, etc. y nan distribui rond mundo, no na Aruba so.

“Poco poco e ta bayendo bon, esaki ta nos di tres aña den dje, e ta bayendo sublime. Nos tin hungadornan den MLB ta usando e caba y mi ta kere cu aunke por ta mi no a yega MLB, pero nos producto si a yega MLB ta duna bo un bon sentimento cu bo ta riba un bon caminda.

Semper nos ta habri pa scucha cosnan bon y cosnan malo, cosnan cu mester drecha. Mi ta kere cu esey ta haci nos unico cu nos kier sigui scucha y sigui mehora,” Oduber a finalisa.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)  
Angenette Figueero (closer editor)  
Leo Maduro  
Andreina Morillo  
Raisa Montilla  
Oriana Geerman

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirks

**Colaboracion**

Associated Press  
Ret Karibense

Data Key

**Afiliacion**

Sociedad Interamericana  
di Prensa (SIP)

**DIRECCION**

Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com

Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.

## Cuater museo local ta ricibi aporte di A.T.A. como apoyo na nos historia y cultura

“Awe ta un dia berdaderamente remarcabel” tabata palabranan di Ronella Croes, directora di Oficina di Turismo (A.T.A.), durante e celebracion cu a tuma luga na Fort Zoutman dialuna anochi. Como un socio strategico, A.T.A. ta sumamente orguyoso di por anuncia reanudacion di e cuater museonan bao di maneho di Fundacion Museo Arubano (FMA).

Aki ta trata di Museo Historico Arubano, Industry Museum, Community Museum y Carnival Euphoria. E reapertura di e museonan aki ta duna pueblo di Aruba y bishitantenan e oportunidad pa explora y aprecia nos historia y herencia cultural mas di cerca.

Den pasado, A.T.A. orguyosamente tabata duna aporte na museonan cu ta wordo opera pa FMA. E acuerdo nobo entre A.T.A. y FMA ta mara den esfuersonan pa preserva y promove historia y cultura di Aruba - un di e aspectonan clave cu A.T.A. ta enfoca riba dje. Como parti di e acuerdo nobo, A.T.A. no solamente lo percura pa e museonan ta habri, pero tambe lo traha di cerca cu FMA pa garantiza e promocion necesario pa atrae bishitantenan na nos museonan.

Durante su discurso, directora di A.T.A. a elabora riba e importancia di bon colaboracion entre socionan: “E siguiente añanan ta esencial pa restructura y posiciona nos museonan existente pa yega na un plan sostenibel. Pa e motibo aki e ta di suma importancia pa A.T.A., como un socio strategico, hunto cu su Excelencianan Minister



Dangui Oduber, Minister Xiomara Maduro, y FMA anuncia e reanudacion di e cuater museonan aki. Como compromiso pa yuda trece nos cultura dilanti, A.T.A. ta sigui duna realse na e cuater museonan aki como un aspecto cardinal pa nos comunidad y nos turismo.”

Nos museonan, cual ta un reflejo di nos identidad, ta duna nos e oportunidad pa conoce nos pasado y aprecia nos herencia. Simplemente, museonan ta yuda den educacion, inspiracion y conexon entre comunidannan.

Banda di e museonan, A.T.A.

ta orguyoso di entre otro por carga e Aruba Art Fair, di cual e di seis edicion lo tuma luga na September. Tambe A.T.A. ta contento di por brinda aporte na Dia di Brazil, Bon Bini Festival, Carnaval y otro celebracionnan nacional cu ta inclui Festival di Dande, y Himno y Bandera. Tur esakinan ta ehempelnan concreto di A.T.A. su compromiso pa aporta na experencianan cultural valioso, tanto pa pueblo di Aruba como tambe pa tur cu ta bishita nos isla.

### Reapertura di museonan

Den un comunicado di prensa, minister di Cultura, Xiomara Maduro a informa cu recientemente a reuni cu Sr. Renwick Heronimo di Fundacion Museonan Arubano (FMA) pa asina repasa e plan pa e cuater museonan cu ta cay bao encargo di FMA por habri back pa comunidad y bishitante. Ta trata di Museo Historico na Fort Zoutman na Playa, Museo Industrial, Community Museum y Euphoria Carnival Exhibition na San Nicolas, cu ta habri nan portanan back pa ricibi bishita di nos localnan y tambe bishitante cu kier sa mas di Aruba su historia.

Debi na e pandemia e

museonan bao encargo di FMA a cera nan porta pa publico door cu FMA no por a sigui conta cu e fondonan cu turismo tabata genera y cu via ATA y APA tabata yega na e museonan. Tabata un situacion hopi dificil pa cual no tabata tin un solucion inmediato. Ministerio di Cultura di su parti a percura pa e coleccionnan por a wordo bon cuida pa asina e museonan por a keda bon conserva te ora FMA por a yega na e fondonan necesario pa bay back den operacion. Awor den cooperacion cu e partnernan di semper, ATA y APA, FMA ta logra pa cuminsa back cu e operacion di e cuater museonan.

Durante e reunion Sr. Heronimo a duna un bista di e plannan pa e museonan pa e resto di aña 2023, y tambe pa local lo bira e actividadnan pa añanan 2024 y 2025 pa e museonan. Ta cuminsa operacion di e museonan buscando personal y tambe boluntario pa yuda atende cu publico. Tambe lo traha riba e coleccionnan cu ainda mester wordo exhibi pa nan tambe por yega na conocimiento di nos localnan y bishitante. Pa e ultimo aki tambe ta masha importante pa FMA por conta cu e colaboracion di mas partners den comunidad cu kier cumpli cu nan deber civic aportando na bienestar di conservacion di e cultura di Aruba.

Minister Maduro ta gradici y desea Sr. Heronimo y tambe e hunta di directiva nobo di FMA hopi exito cu e ehecucion di e plannan pa e cuater museonan por habri nan portanan back pa comunidad y bishitante.





## Durante ATA North America Marketing Retreat

# AUA Airport a demostra su compromiso cu crecimiento sostenibel

Recientemente e departamento di Aviation Business Development di Aruba Airport Authority N.V. (AAA) a asisti na e evento anual di mercadeo di Norte America, organisa door di Aruba Tourism Authority (ATA) y Aruba Hotel and Tourism Association (AHATA), cu a tuma luga na New York.

E evento a reuni un cantidad di stakeholders clave den e industria turistico tanto local como internacional incluyendo AAA, ATA, AHATA, socio hotelero y colaboradonan internacional. Representando AAA N.V. tabat'ey presente Aviation Business Development Executive, Jo-Anne Meaux-Arends y Research and Development Officer, Joanne Trimon. Ambos a participa activamente den diferente presentacion di e evento como tambe den diferente panel di discusion. E temanan cu a papia riba nan durante e evento a inclui e ultimo tendencianan di biahe, cambio den comportacion di consumo, perfil turistico di Aruba y e strategianan pa capitalisa e oportunidadnan cu presenta.

Durante e evento Jo-Anne Meaux-Arends a subi escenario y a duna un presentacion




masha interesante caminda el a destaca e recuperacion di trafico di pasahero na Aeropuerto di Aruba. Jo-Anne Meaux-Arends a demostra un crecimiento y desaroyo impresionante di aeropuerto, incluyendo servicio non-stop pa mas di 45 destinacion. Aerolinean Mericano ta representa un 75% substancial di e cantidad di bishitante di Aruba. Importante pa destaca cu Aruba a bira #4 pa loke ta trata crecimiento entre e mercadonan similar den Caribe, e ta un puesto mas ariba compara cu año 2019.

Aviation Business Development Executive Jo-Anne Meaux-Arends a expresa su optimismo riba e crecimiento continuo pa cu e industria di aviacion y con Aeropuerto di Aruba ta sigui e chempel di

crecimiento. El a comenta cu "industria di aviacion ta experimenta un recuperacion notabel y ta spera cu e año aki e capacidad di aviacion global yega 100% di nivel di loke e tabata prome cu pandemia y ta spera cu e mercado Mericano crece cu un 2% año tras di año.

Aeropuerto di Aruba ta orguyoso di forma parti di e trayecto positivo aki, ya cu nos ta testigo di un crecimiento continuo y ta sigui diversifica nos mercado pa expande nos red global."

Tambe a haya un bista riba e actualisacion di e airlift di aeropuerto pa año 2023 y alabes a duna un bista riba e pronostico di airlift pa año 2024. Meaux-Arends a describi e demanda halto pa Canada pa temporada di win-



ter 2023, cu e servicio di Toronto-Aruba cu Air-Canada, compania pa vuelo adicional cu WestJet y Sunwing.

Ademas, a comenta tambe riba e interes halto pa biaha pa Merca, cu varios aerolinea aumentando su frecuencianan pa Aruba pa temporada di winter 2023. Algun cambio ta e aumento di frecuencia di Spirit Airlines pa su ruta, pues awo tin vuelo directo tur dia. JetBlue a expande su vuelonan y Delta Air Lines a

agrega un di dos vuelo diario, hunto cu e aumento di frecuencia.

Southwest Airlines tambe lo contribui na e crecimiento door di agrega un frecuencia adicional riba diasabra. E actualisacionnan aki ta demostra e dedicacion cu Aeropuerto di Aruba tin pa crecimiento sostenibel, capacidad di adapta y su compromiso pa extende su alcance global mediante exploracion di oportunidad nobo.

## Minister Geoffrey Wever:

# Minister Wever di bishita na e Farmer's Market na STR Agriculture

Tur diasabra STR Agriculture ta patronisa un Farmer's Market, ubica na nan sitio na Alto Vista, Noord. Aki a cera colaboracion entre diferente entrepreunanan agricola (agripreneurs) local pa brinda nan un plataforma pa nan por vende nan productonan. Minister di Asuntunan Economico, Geoffrey Wever, tabata tin e grato placer di por a bishita e Farmer's Market.

STR Agriculture mes ta produci diferente tipo di fruta y berdura a traves di sistemanan tradicional y tambe moderno di cultivacion. Nan productonan ta ser bendi localmente cu industria di F&B, como tambe cu algun supermercadonan, y obtenibel na nan Farmer's Market.

Minister Wever a keda impresionado cu e facilidadnan di



green house actualmente den uzo, y tambe cu planificacion pa añadi un green house grandi nobo, specialmente

diseña pa sistema di cultivacion moderno. Ta aplaudi e confiansa di e empresarionan den e economia local, y nan

compromiso pa contribui na esaki a traves di inversion den e industria. Colaboracion ta necesario pa

sostene especialmente agricultornan chikito. Minister Wever ta keda enfatisa cu e sector di agricultura tin e potencial di bira un sector economico importante cu por contribui na e diversificacion di nos economia local. Cu esfuersonan di gobierno andando manera e.o. Agri Business Academy, un iniciativa di Minister Arends, Minister Wever y Qredits, ta demostra nos compromiso pa stimula empresarionan den sector agricola pa nan por sigui opera exitosamente, alaves atrae mas interes y inversion local den e industria.

Minister Geoffrey Wever ta aplaudi e colaboracion entre STR Agriculture y empresarionan chikito, tur na beneficio di economia, agricultura y desaroyo sostenibel di Aruba. Un palabra di gradicimento na STR Agriculture pa e invitacion.



*Koninking Wilhelmina Fonds (KWF):*

## Consehonan pa yuda bo bebe suficiente durante tratamento di cancer

**Por ta dificil pa bebe suficiente durante tratamento di cancer. Bo por tin molestia di por ehempel biramento di stoma. Den e articulo aki bo ta lesa consehonan practico pa yuda bo bebe mas.**



E importancia di bebe suficiente

Bebe suficiente ta importante pa tur hende. Ora nos bebe nos ta orina substancianan cu nos tin di saca for di nos curpa. Tambe ta importante pa nos bebe bon pa asina nos no deshidrata. Deshidratacion por pone bo sinti cansa of suf, y hasta por pone bo cay flauw.

Ora bo ta den tratamento di cancer, ta extra importante pa bo bebe bon. Tratamentonan manera chemotherapie (kimoterapia) y bestraling ta

causa mas substancianan den bo curpa cu bo riñonnan tin di saca afor. Ora bo bebe suficiente, bo ta orina e substancianan aki mas lihe.

Con hopi mi tin di bebe ora mi ta den tratamento di cancer?

Mayoria biaha bo mester bebe entre 1.5 y 2 liter di likido pa dia. Esaki ta mas o menos 10 glas. Esey ta e cantidad cu normalmente tur hende mester bebe. No solamente

awa ta conta, pero entre otro tambe koffie, te, lechi y juice.

Tin biaha bo mester bebe extra. Por ehempel ora bo tin un drain of bo tin molestia di sacamento of diarea. Tambe ora bo ta soda hopi.

Ora bo haya cierto tipo di chemotherapie ta miho pa bo bebe por lo menos 2 liter pa dia. Semper puntra bo dokter of nurse kico ta miho den bo situacion.

Consehonan pa yuda bo bebe suficiente

1. Cuminsa bo dia bebiendo 2 glas di likido. Por ehempel, ora bo desayuna bebe un glas di awa y un kop di te. Haci esaki un customber di tur mainta.

2. Hiba un boter di awa ora bo sali di cas. Di e manera

aki bo tin awa semper na bo alcance.

3. Haci awa smaak mas dushi door di pone blachi di menta of pida fruta den un canica of boter.

4. No lubida di pone un canica of boter di awa den frishider. Asina bo tin awa frio den cas.

5. Duna te mas smaak cu lamunchi, apelsina of cane. Tambe bo por traha te cu gember.

6. Bo ta lubida di bebe? Pone un wekker of uza un app riba bo telefon pa yuda bo corda pa bebe.

7. Come fruta y berdu-ra cu ta contene hopi likido. Por ehempel patia, concomb-er y tomati. Bo por traha friu cu fruta tambe.

8. Purba variacion entre bebe awa, te, koffie y lechi. Esaki por duna bo mas smaak

di bebe.

Kico pa haci ora no logra pa bebe suficiente?

Tuma contacto cu bo dokter si bo no por bebe suficiente pa motibo di malestarnan manera biramento di stoma, sacamento of diarea. Den e dianan aki cu ta extra calor ta importante pa bo bebe hopi awa y hidrata bo mes.

Si bo kier mas informacion, bo por pasa libremente na nos Centro di Informacion na Spinozastraat 9, net patras di Watertoren na Playa. Tambe por yama nos na 582-0412 of bishita nos website [www.kwfaruba.org](http://www.kwfaruba.org)

*Hulanda:*

## Trahadonan di cuido hubenil ta mira un aumento di desconfiansa pa gobierno



**(NLTimes)—Desconfiansa den gobierno ta actualmente e fuente principal di polarisacion entre hobennan, segun trahadonan di cuido hubenil a bisa den dos estudio encarga pa e Ministerio di Asunto Social na Hulanda.**

E estudionan a ser conduci pa e Instituto Verwy-Jonker y e Instituto Hubenil na Hulanda. E investigadonan a tene entrevistanan cu 39 profesional, mayoria di nan trahadonan den cuido hubenil, y a puntra nan pa completa un encuesta. Hobennan den contacto cu e trahadonan aki mayoria bes ta enfrenta mas problema compara cu otro hobennan. E trahadonan a describi nan, en general, como frustra, desespera y pesimista tocante e futuro. Y

hopi biaha nan ta tira culpa riba gobierno pa nan situacion.

E restriccion di coronavirus, cual a afecta hobennan en particular, a causa basta desconfiansa. Pero segun trahadonan den cuido hubenil, e pobresa cu ta aumentando, e scandal di prestacion pa cuido infantil, crisis di clima, listanan di warda pa cuido medico, deficit den vivienda, y e politica di asilo tur ta factornan cu ta contribui den nan dessatisfaccion.

E trahadonan den ambos estudio a puntra pa mas conocimiento pa asina yuda combati e aumento di pensamento anti-gobierno. Nan kier pa municipionan envolva nan mas den comatiendo polarisacion.

### EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

#### WARAWARA 31

het recht van erfpacht op een perceel domeingrond tot 30-06-2066, 600m<sup>2</sup>, gelegen te Warawara in Aruba, kadastraal bekend als Derde Afdeling Sectie D nummer 1407.

**Inzetprijs: Afl. 132.000;**

Onderhandse biedingen mogelijk.

#### COCHINILLA 26

een perceel eigendomsgrond, gelegen te Pabilon in Aruba, 378m<sup>2</sup>, in het eerste district van Aruba kadastrale indeling: 1-T-21.

**Inzetprijs: Afl. 237.000;**

Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning.

De openbare veiling vindt plaats op **29 september 2023**, om **10:00 uur** ten overstaan van notaris mr. **C.M.A. Helmeyer**, notaris in Aruba, in de veilingzaal van Surfside Marina (Dolphin Room) aan de L.G. Smith Boulevard 7 in Aruba.

#### Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notaris Helmeijer opgesteld biedformulier, met overlegging van een bankgarantie en geldig identiteitsbewijs. De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeijer.

De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeijer.

Voor aanvullende informatie over de veiling en/of juridische vragen kunt u contact met ons opnemen:

**Notariskantoor Helmeijer**

Elleboogstraat 11-13

Tel: 280-2020 / WhatsApp: 699-2820

[veiling@notarishelmeijer.com](mailto:veiling@notarishelmeijer.com) / [auction@notarishelmeijer.com](mailto:auction@notarishelmeijer.com)

[www.notarishelmeijer.com](http://www.notarishelmeijer.com)



# 15 compania di crudo a expresa interes den reapertura di Isla Oil Refinery

(CuraçaoChronicle) - Isla Oil Refinery a hala atencion di 15 compania di crudo cu ta dispuesto pa bolbe habri esaki. Dentro di 2 siman, e doño di e refineria, Refineria di Korsou (RdK) lo selecta e dos candidato final, despues di cual e candidato preferi lo ser scogi. Esaki ta loke Patrick Newton, director di RdK a reporta den un entrevista cu e corant Hulandes Atilliaans Dagblad.

E director tin confiansa cu e refineria finalmente lo bira operacional despues di varios intento. Su optimismo ta motiva pa cambianan geopolitico y un duracion mas cortico di e contract. Rekisito anterior di 30 aña a keda descarta pa e gobierno. RdK



actualmente ta den negociacionnan cu companianan existente pa haci e trato mas atractivo pa e operadornan den futuro. "Pa medio di relaha e condicionnan, nos ta haci e trato mas atractivo.

E entrada ta mas cortico y no mester compromete pa 30 aña mas. 5 of 10 aña awo ta e norma," Newton a splica. E ta premira cu e refineria lo bolbe genera relevancia den e proximo 20 pa 30 aña a causa

di e desaroyonan actual den e demanda di produccion di crudo. Newton a señala e cambianan na Merca, unda ta buscando crudo for di Venezuela, indicando cu posiblemente lo cuminsa alivia san-

cionnan.

E buskeda pa un partner confiable a comproba di ta un proceso complejo pa RdK, cual ta doño di e facilidnan di petroleo riba e isla desde aña 2013. "E no ta facil, pero mi ta kere den esaki firmemente," Newton a enfatisa.

E inicio di e actividadnan di e refineria lo tuma luga den 3 fase. Prome, RdK lo cuminsa cu actividadnan di compania Mericano Global Oil, specialisa den produccion di asfalt pa e mercado Mericano. E escogencia di gas di propaan na luga di asfalt pa e procesonan tambe lo cumpli cu rekisitonan ambiental y lo ta operacional hopi mas lihe. Actualmente ta den un proceso di seleccion pa e fase dos y tres di e refineria.



## EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIJDAG 25 AUGUSTUS 2023 om 10:00 uur 's-morgens** bij de **Kamer van Koophandel** (Auditorium) aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

### SAVANETA 175-L

het recht van erfpacht tot zeven en twintig januari tweeduizend zestig op een perceel domeingrond ter grootte van vierhonderd acht en tachtig vierkante meter (488 m2), gelegen te Savaneta in Aruba, kadastraal bekend als Derde Afdeling Sectie G nummer 2270, met het daarop gebouwde woonhuis, plaatselijk bekend als "Savaneta 175-L";

richtprijs: **Afl. 285.000,--**

- Een onherroepelijk en onvoorwaardelijk onderhands bod kan worden uitgebracht tot en met uiterlijk vrijdag 11 augustus 2023 ten kantore van Newleaf Notary of via email [auction@newleafaruba.com](mailto:auction@newleafaruba.com). Het biedingsformulier is zowel op het kantoor van Newleaf Notary alsmede op de website [www.newleafaruba.com](http://www.newleafaruba.com) verkrijgbaar.
- Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar [auction@newleafaruba.com](mailto:auction@newleafaruba.com) of de volgende website bezoeken:

[www.newleafaruba.com](http://www.newleafaruba.com)

*Corsou:*

## Accion legal contra doñonan di cachonan peligroso

(CuraçaoChronicle) - Husticia lo tuma accion fuerte contra doñonan di cachonan considera peligroso manera pitbull, cual por causa daño na otro personanan y otro bestianan. Esaki por trece proceso criminal segun Minister di Husticia Shalten Hato. E ordenansa di cachonan peligroso a keda introduci despues cu 5 aña pasa dos cacho a brutalmente asesina un mucha di 5 aña.

Ley ta identifica Pitbull manera cachonan peligroso pa motibo cu ta considera cu no por premira nan accionnan, nan capacidad di ser controla pa ser humano y nan comportamiento durante atakenan cual ta di lock nan boca y move nan cabes pa por causa mas daño. E ley aki ta prohibi e importacion di e cachonan aki y ta impone un mandato di microchip, pa nan casnan ta cera di manera sigur y pa nan keda sterilisa.

Segun Minister Hato, e ley aki por keda aplica inmediatamente den situacionnan cu a tuma luga recientemente. Un pitbull a morde 3 persona severamente y a tuma luga otro caso unda un persona a keda ataca pa un cacho agresivo. Despues di e instruccion di Ministerio Publico, ta pone e cachonan aki drumi. Polis ta tuma accion y ta tuma accion y ta kita



e cacho for di e escena di e incidente, despues di cual e Ministerio Publico ta ordena pa pone e cacho drumi.

Sinembargo, Minister Hato ta enfatisa cu no ta tur cacho ta ricibi e mesun trato cu Pitbull. Den casonan unda un otro tipo di cacho morde un persona, ta ehecuta un investigacion. E investigacion aki ta trata un reportahe di un experto y despues ta tuma e decision si lo pone e cacho drumi. Ministerio Publico no ta duna ordo pa pone e cacho drumi te ora cu ehecuta e evaluacion.

E incidente aki tabata uno extremadamente desafortuna y a impacta henter e sociedad, Minister Hato a splica. E doño di e cacho ta considera responsabel y tin dos paso cu e por tuma. Un ta cu e victima di e mordi por demanda e doño pa ricibi compensacion civil pa e dañonan sufri. E otro opcion ta cu Ministe-

rio Publico por inicia e caso criminal. Den e caso criminal, e victima por participa pa asina pidi compensacion.

Tocante e falta di aplicacion di e ordenansa di parti di Hit Team te cu awo, e minister a informa cu mientras e ekipo di reorganizacion di polis a existi, "awo ta e departamento VVC cu lo encarga di e tarea aki. Y den casonan aki unda e personanan keda severamente mordi, e tipo di casonan aki ta trata y ta tuma accion bao e supervision di Ministerio Publico.

Segun Hato, esaki no ta nifica cu husticia no lo haci nada. Sinembargo, e ta admiti cu e ley mester di actualisacion y cu boet di te 10,000 florin no ta suficiente mas. E aspecto proactivo di polis ta tuma luga y investigacionnan digital ta ser ehecuta, pero esaki no ta enfoca riba betna di cacho sino riba e actividadnan criminal manera menasanan. Pa cachonan specifico pa cual un persona bati alarma, polis ta tuma accion inmediatamente.

Tambe tin un ordenansa publico cu ta declara cu como e doño di un bestia, bo mester sigura cu e bestia no ta posee un peliger pa otronan. "Si un bestia posee peliger, e doño tin un problema serio y husticia lo tuma accion fuerte," e minister a declara.





**Cuminsando cu 4 florin, bo por gana e suma grandi aki**

**Afl. 385.000,-**

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO



## Hulanda a conmemora victima di Segunda Guera Mundial den loke tabata e Nederlands Indië

(NLTimes)—Ayer a Hulanda a conmemora e victimanan di Segunda Guera Mundial den loke tabata Nederlands Indië cu varios ceremonia den henter e pais. Un par centares di hende a atende e ceremonianan na Amsterdam y Rotterdam ayera mainta. E conmemoracion nacional a tuma lugha na Den Haag anochi. Prome Minister Rutte a atende e ceremonia.

Pa Hulanda, e Segunda Guera Mundial a caba cu su liberacion dia 5 di mei 1945, pero e guerra a sigui den Nederlands Indië e tempo ey pa basta luna. E guerra a caba den kico awo ta conoci como Indonesia dia 15 di augustus 1945, ora Merca a forsa Hapon, un aliado di Nazi Alemania durante Segunda Guera Mundial cu tabata ocupando Nederlands Indië na 1942, pa retira for di guerra ora a laga dos bom atomico cay na Hi-



roshima y Nagasaki.

Indonesia a declara su independencia un rato despues cu Hapon a retira, pero Hulanda a duna e colonia su autonomia na 1949 solamente bao presion internacional despues di e guerra horroroso. Aproximadamente shen hende a atende e conmemo-

racion pa Indisch Platform 2.0 riba Dam Square na Amsterdam ayera mainta, segun ANP. E alcalde di e ciudad, Femke Halsema, lo mester a pone krans, pero no a aparece den protesta di un di e speakernan na e evento. “E municipio a cancela e ponemento di krans,” presidente di e comite di organisacion, Peg-

gy Stein, a bisa. “Pero nos lo kier invita e municipio atrobe otro aña pa muestra cu nos ta inclusivo.”

Varios centares di hende a reuni riba Boompjes pa e conmemoracion na Rotterdam ayera mainta. Vice-Alcalde Vincent Karremans y presentado Jet Sol a papia na e cer-

emonia. Despues, e festival conmemorativo di Floating Pasar a cuminsa na Leuvehaven den cercania di e Maritime Museum.

E cantidad di conmemoracionnan local ta aumenta tur aña, segun Joh Sijmonsbergen, vice-presidente di Nationale Herdenking 15 augustus 1945, a conta NOS. “Tur aña, un of dos mas ta ser agrega. Awo nos tin mas cu 50 den total.”

Segun Sijmonsbergen, esaki ta debi na e segunda generacion tumando mas iniciativa. “Nan ta bayendo bon, ta bayendo den pensioen y tin mas tempo.” Pero e tercer y cuarto generacion tambe ta birando mas involvi den comitenan cu ta organisa conmemoracionnan, el a añadi. Tin basta hobennan riba e comitenan di organisacion na Nijmegen, Dordrecht y Rotterdam, entre otro.

## Segun expertonan, e economia Hulandes ta sufriendo pero probablemente lo scapa recesion

(NLTimes)—E economia Hulandes no ta bayendo bon pero probablemente no lo experencia un recesion. Esaki ta e sentimento comparti pa economistanan den anticipacion di figuranan economico cu e oficina estadistica Hulandes (CBS) lo publica awe.

Den e prome luna di e aña aki, CBS a reporta un contraccion di 0.3%. si e economia krimp atrobe den e segunda kwartaal, e ora pa definicion standard, Hulanda lo tecnicamente drenta un recesion, marcando dos kwartaal tras di otro cu caida. Sinembargo, e biala aki, economistanan ta anticipa un crecimiento den un par punto di porcentahe. Un encuesta pa e agencia noticiero di finanzas, Bloomberg, ta sugeri cu en averahe,



economistanan ta spera un crecimiento di 0.2% compara cu e ultimo kwartaal.

Economista Hugo Erken di Rabobank ta kere cu e falta evidente di crecimiento economico por ser atribui na inflacion halto y e aumento den prijs di interes, cual a para inversion. El a bisa cu e

economia ta hayando dificultad cu “overheating.” Asina mes, Erken ta pronostica un crecimiento chikito den GDP pa e ultimo periodo cu a pasa. E ta atribui e crecimiento aki primeramente na e sector di servicio, cual ta inclui hospitalidad y industria di recreacion. “Por ehempel, restaurantnan ta bayendo bon

ainda. Hendenan ta gastando placa den cierto area.” E ta kere cu esaki probablemente ta cubri e “fracaso” di e sector industrial.

Pero economista Marcel Klok di ING ta duda pa label esaki como un crecimiento. “Miho yam’e stancamento,” el a sugeri. Tambe el a subraya cu

un contraccion economico no por ser rechasa completamente. “Figuraran negativo den produccion industrial ta indica esaki, y ambos produccion di construccion y benta a reduci.” E ta spera un “trend plat, cu GDP mas tanto kedando den bisindario di cero.”

Si Hulanda cay den recesion, Erken ta kere cu esaki no lo tin efectonan significante den e pais. “Un crisis economico di berdad semper ta ser acompaña pa un crisis den mercado di labor. Esey ta hopi hende perde trabao y enfrente perdidan grandi den entrada mensual. Sinembargo, nos no ta mira un escenario asina den futuro cercano. Y hasta den termino medio, esaki no ta parece probabel,” el a splica.



## Grupo di derechonan humano a urgi intervencion internacional urgente pa caba cu violencia di gangnan



**(AP) - Un grupo cu ta boga pa derechonan humano a urgi e comunidad internacional riba dialuna inter-veni rapidamente pa caba cu e violencia di gangnan na Haiti mientras a detaya e violacion brutal y asesinatonan cometi den e nacion su capital.**

E yamado di Human Rights Watch a bini mientras Haiti ta warda pa ricibi respuesta for di Consejo di Siguridad

di Nacionnan Uni pa su peticion haci den october, unda a pidi un forsa arma internacional pa combati e aumento den violencia. “Mientras mas tempo nos warda y nos no tin e respuesta aki, mas nos ta bay mira cu Haitianonan ta ser asesina, viola, secuestra y mas ta sufri sin suficiente cuminda,” Ida Sawyer, e grupo su director di crisis y conflicto, ken a bishita Haiti pa crea un reportahe tocante violencia a expresa.

Merca a bisa anteriormente den e luna aki cu nan lo introduci un resolucion di Consejo di Siguridad di Nacionnan Uni unda ta autorisa Kenya pa lidera un forsa multinacional di polis pa lucha contra e gangnan na Haiti. Sinembargo, no a stipula un tempo pa e resolucion aki. “E mensahe principal cu nos kier manda ta cu e personanan na Haiti tin mester di sosten awo,” Sawyer a splica. “Nos ta tende cada biaha cu e

situacion na Haiti ta pio awo compara cu cualkier tempo cu por corda.”

E Gangnan ta domina polis, cu expertonan calculando cu nan ta controla mas o menos 80 porciento di e pais su capital, Port-au-Prince. Tin solamente mas o menos 10,000 polis pa e pais su mas di 11 miyon persona. Mas di 30 oficial a keda asesina for di januari pa juni y mas di 400 facilidad di polis ta inoperativo a causa di atakenan criminal, segun Human Rights Watch.

Ademas di e violencia andando, a calcula cu mas o menos

5.2 miyon Haitiano ta den necesidad di asistencia humanitario, cual ta un aumento di 20 porciento compara cu aña pasa. Sawyer tambe a haci peticion pa un monitor y supervision sumamente estricto riba polis di Kenya si dicidi pa nan tuma e cargo di e forsa arma.

Ayera miles di manifestante a marcha na Port-au-Prince pa condena e aumento den violencia y exige e gobierno tuma accion. Polis a haci uso di gasnan pa separa e aglomeracion di hende. No tabatin reportahe inmediato di ningun herido.



## Salvatore Mancuso lo regresa Colombia cu su libertad

**(Infobae)—ex-comandante paramilitar, Salvatore Mancuso, lo haya su libertad back ora e regresa Colombia pa via di su apuntamiento como facilitado di pas pa Presidente Gustavo Petro, manera e Minister di Husticia Colombiano, Néstor Osuna, a splica.**

“E designacion como un facilitado di pas ta duna e persona libertad, no solamente e, pero cualkier hende apunta como facilitado di pas,” segun e minister a splica. Segun e decreto firma pa Presidente Gustavo Petro, e gobierno lo pidi autoridadnan competente pa “suspende e medidanan hudicial actual,” den cuadro cu decreto 1175 di aña 2016, cual a goberna e figura di facilitadonan di pas. E decreto aki ta establece e posibilidad pa hisa medidanan precaucionario of impone castigonan alternativa pa ex-miembronan di gruponan arma.

Minister Osuna a clarifica

cu mientras Mancuso por haya su libertad pa via di su rol, esaki “no ta scap’e di su compromisonan hudicial. E tin hopi procedementonan legal andando na Colombia,” segun e oficial a splica. Esaki ta inclui e sentencianan cu ainda e mester cubri den e pais pa su envolvimento den e conflicto di arma.

Mancuso Gómez a cubri su sentencia na Merca caba pa narcotraficacion, pero e ta keda deteni den un centro di migracion wardando e resolucion di su status legal. Aunke tin e opcion pa mand’e Italia, un pais di cual e ta ciudadano tambe, e sistema di Husticia y Paz a pidi pa e regresa Colombia y enfrenta e casonan habri contra dje.

Alta comisionado pa paz, Danilo Rueda, lo defini e tareanan cu Mancuso mester cumpli cune como un facilitado. Manera el a splica tocante e caso, e facilitacion lo solamente cuminsa un bes cu e ex-comander paramilitar regresa Colombia pa



participa den actividadnan cu ex-miembronan di AUC, incluyendo envolvimento den algun discusionnan tecnico.

Un di e tareanan cu cual Mancuso Gómez a compromete su mes ta pa colabora cu e Unit pa Personanan Desaparecido pa localisa e curpanan di e victimanan di e para-hercicionan cu supuestamente ta dera den e teritorio

Venezolano. Presidente Petro tambe a pidi pa su contribucion pa clarifica eventonan relata na conflicto, manera posesion di tereno.

Mancuso ta wardando e decision di e Camara di Definicion di Situacionnan Legal di e Hurisdiccio Special pa Paz pa loke ta trata su peticion pa ser inclui como participante. El a participa caba den un

solo reunion di contribucion di berdad y a provee evidencia di e eventonan cu lo prueba su envolvimento como un conexio entre miembronan di e forsanan di seguridad y e para-hercicionan. Basa riba e informacion aki, e Hurisdiccio lo dicidi si por sigui cu procesonan andante, cual lo resulta den e liberacion di e ex-comandante.



## Republica Dominicana: Cifranan oficial di explosion na San Cristobal ta indica 10 fayecido, 11 desaparecido y 59 herido

(DiarioLibre) – Presidencia di e Republica a informa cu te cu diamars mainta e cifranan oficial di e explosion cu a sucede dialuna atardi na San Cristobal ta: 10 persona fayecido, 11 desapareci y 59 herida.

Informacion distribui pa e autoridadnan, tambe ta establece cu cuatro edificio a keda destrui y nuebe a resulta afecta pa e explosion aki.

Di su banda, e presidente di Republica Dominicana, Luis Abinader, a bisa cu desde cu e explosion a sucede a dispone un investigacion y e gobierno a destina tur e recursonan necesario pa mitiga e efectonan di e tragedia.

“Desde dialuna 3:30 di atardi



cu mi a wordo informa di evento aki, un 14 di augustus cu ta bay ta refleha manera di luto pa tur e ciudadanonan di San Cristobal y e pais, mi

a manda inmediatamente e Minister di e Presidencia, cu a yega alrededor di 5or di atardi na e ciudad pa coordina tur e accionnan di e gobierno

den orden pa mitiga e terrible incidente aki,” e mandatario a bisa den un conferencia di prensa na e Hospital Docente Juan Pablo Pina diamars

mainta.

El a indica cu el a duna instruccion pa e J2 di e Ministerio di Defensa uni na e investigacionnan di e hecho conhuntamente cu e diferente cuerpo di bombero cu ta traha den e zona di desaster y cu e lo referi na e desaster ora cu e investigacionnan ta cla.

“Ta bay realiza un investigacion pa determina e origen y e causa di e accidente aki. Mientras tanto nos mester salba e bida di e afectadonan y nos ta bay haci esaki sin ningun limite di recurso,” e mandatario a afirma informando cu tin fondo disponible pa e tipo di situacionnan aki y a ofrece condolencia na e famia di e victimanan.

## Venezuela: Fundacion La Tortuga a alerta ariba impacto cu e isla por sufri despues di wordo declara ZEE

(ElNacional) – Consuelo Nogueira, fundador y presidente di e Fundacion Tortuga, a alerta tocante e impacto negativo cu e isla por sufri despues cu el a wordo declara Zona Economica Especial (ZEE).

Den un entrevista pa Union Radio, Nogueira a splica cu e isla La Tortuga tin un ecosistema hopi delicado, unico na e pais, cu mester wordo trata cu respet of si no e por

sufri dañonan lamentable cu lo afecta tur e especienan cu ta biba cynan.

Representantenan di e gobierno nacional a compara den varios ocasion La Tortuga cu e isla di Aruba. Ariba esaki, Nogueira a señala cu no por replica e modelo di negoshi di otro luga, pasobra cada zona tin condicionnan specifico cu mester adapta na dje.

Kiermen cu e construc-

cionnan habitacional y incluso e posible desaroyo di un aeropuerto internacional mester cumpli cu un serie di condicion pa nan no afecta e ecosistema di e isla.

“Tin diferente manera pa haciele cu respet, cu un manejo di capacidadnan pa loke ta trata e carganan den un avion y lo mester ta vuelonan hopi exclusivo. Mester adapta na e orarionan di vuelo di e parhanan, como tambe e migra-



cion di nan. Nan ta hopi factornan cu mester considera,” Nogueira a agrega.

El a destaca cu e proyectonan mester wordo mancha di un manera responsable, den ordo y cu consenshi pa nan por tin exito sin causa un impacto negativo na e isla unico di e pais.

“Den e parti ambiental mester wak cu di berdad ta pro-

teha loke mester wordo protegi pasobra e parti zuid di e isla ta sumamente sensible,” el a destaca.

Nogueira a considera cu tin otro zonanan turistico di e pais cu tabata den miho condicion pa wordo declara Zonas Economicas Especiales, debi na cu nan ta areanan cu no tin un ecosistema asina delicado pero cu ta mesun bunita.

## Venezuela ta registra e inflacion anual mas halto di mundo



(ElNacional) – Venezuela ta e economia cu ta presenta e costo di bida mas halto na mundo, cu un cifra di inflacion anual di 404%. segun datonan di Trading Economics.

Solamente den luna di juni e prijsnan a aumenta 8.5% den promedio, cu variacionnan cu ta inclui 19.5% di aumento den e sector di servicio, 6.9% den huur di vivienda, 7% den alimento y bebidanan no alcoholico y 9.1% den gastonan relaciona cu transporte, segun e Observatorio Venezolano di Finanzas.

Aunke den luna di februari economista- y specialistanan financiero a indica cu e lapso di 50 luna continuo di hiperinflacion na e pais a termina, Venezuela lo por regresa na e fenomeno financiero aki debi na e inestabilidad economico.

“Nos ta wak con e paisnan cu ta lidera e inflacion na Latino America ta keda ta Venezuela, unda e politica monetario ta na servicio di e fiscal, es decir, a usa e banconan central como fuente efectivo di financiamiento di e gobierno. Ya a demostra caba cu esaki ta perhudicial y ta genera un inflacion persistente. Ta cla cu esnan cu no tin banconan central of cu no ta independiente tin e indicador aki halto,” Jose Ignacio Lopez, director di estudionan economico di Corficolombiano, a bisa na e corant La Republica.



## Art Fashion 2023:

# “UNCHAINED” un diluvio di pensamiento expresa a traves di Moda

*MAS DI 10 designers Internacional y Local lo participa*

**ArtisA, e organisacion tras di Art Fair y Art Fashion, ta presenta un fantastico elenco pa cu loque ta bira e espectáculo mas spera di 2023, cu lo hiba e nomber UNCHAINED.**

E aña aki, e enfoka ta riba e tematica di “Abolishment of Slavery”, algo cu rond di mundo ta ser discuti. E definicion di e tematica specialmente si e ta toca esclavitud ta conclusion, terminacion, e simpel acto di STOP algo. Durante e Fashion show e diseñadornan no solamente lo toca esclavitud, pero tambe otro topiconan. Manera e liberacion di bo estado mental y scoge pa colornan intenso den bo bida.

Durante un rueda di Prensa na Renaissance Marina, Tito Bolivar, director di ArtisA a splica e tematica cu ta a caso actualmente na Hulanda cu ta pidiendo despena den diferente manera y ta reconoce e “afschaffing” o abolicion di esclavitud 160 aña pasa. E fecha 1 di Juli 1863 ta marca den historia como e fecha cu a termina pa ley esclavitud na Surinam y e Islanan Caribense cu ta forma parti di Reino Hulandes. Y tambe pa-



kico a bin na e tematica aki na unda sigur lo ilustra e pasado y futuro di San Nicolas.

Si bien Aruba no a sinti mucho e era di esclavitud, esey no nifica cu e no ta real y ta pa e motibo aki a trece un elenco extenso di artistanan di nos hermana Islanan, di Hulanda y Africa pa conta nan banda di historia a traves di moda!

“UNCHAINED” cu ta tuma lugar September 6, 2023 den e cayan di San Nicolas, ta Art Fashion, un fashion show Urbano cu ya ta existi y organisa pa mas di 6 aña exitosamente. E manera di expresion liber y eficaz a traves di moda.

E elenco magnifico lo ta:

Maria Theresa Madariaga, ar-

tista multifacetico, influencer di moda y coleccionista di Arte, un simbolo di moda y arte di Aruba. Un diseñador cu Aruba mester kita sombra na momento cu e lo presenta 25 simbolo di Arte y Confeccion, na su manera unico. Su coleccion “Liberada” lo papia pa su mes.

Fausta Luna, confeccionista di joyas, artista y un fiel colaborado desde inicio di Art Fashion cu su coleccionnan a biahha recientemente pa Mexico y despues di un basta tempo a regresa cu su coleccion cu lo ta yamativo, colorido y special treciendo su expresion di Liberacion. “Colors of my Heart” un coleccion sumamente yamativo. Fausta



semper ta inclui su famia, cu ta den gran mayoria, artista, bailarina y modelonan, den su presentacion.

Colombia Sena, E coleccion ganado di Colombia Moda. Gigliola Arends, Gigliol Designs, lo trece su coleccion cu e la luci na Colombia durante Colombia Moda, “The warmth of Paradise” na unda e ta muestra a traves di su coleccion su historia. E di 5 generacion di su antepasadonan cu tabata esclavo aki na Aruba. Y tur tabata confeccionista. Algo sumamente bunita. David Paulus, Curacao y The Netherlands, David tin un largo trayectoria den e mundo di Fashion y ta reconoci na Hulanda pa su inmenso talento. No solamente lo trece e coleccion nobo yama “My Roots” pero lo tin e acabado total den sapato y acesorio.

Life performance pa Kriss Kross, Susjaira Kerpens cu lo uni cu Adriana Cereste den e presentacion di “Pueblo Lanta” di Ezaline Calister.

Clay & Clayten, Curacao conoci como SWAY, lo impacta cu un show extraordinario titula Timeless, cu ta un show live sin igual.

Vanessa Paulina, Aruba, Artista, pintura, declamado, escritora di bukinan, Ilustrado, lo participa pa prome bes riba un pasarela contando su storia di Virginia the Rebel. Un ilustracion riba su mes a traves di moda.

Show espectacular di Jhon Freddy Montoya na su manera interpretando “liberacion.”

Dauvia Nijenhuis, Angola, Africa, Designer y doño di su propio Galeria di Moda, residencia na Hulanda lo papia di su curason den un forma unico “Ubuntu”. Ubuntu lo ilustra e humanidad pa cu otro. Y lo ilustra “Mi ta loke mi ta, pasobra nos tur ta!”

Jolie Duzon. Sint Maarten, lo trece dilanti Prized Possessions, un forma unico y innovativo di ilustra e posesionnan mas valioso di nos bida.

BLESS HS, Colombia, Un manera diferente di diseña cu tambe ta un di e ganadonan di SENA

Ronchi de Cuba, ta bolbe e escenario y ta cera e show di un manera explosivo, cu un mahestuoso homenahe na lo special den bo bida, cu ta hiba e nomber di “My Queen”. Dia 6 di September pa 8or San Nicolas ta bisti di gala pa presencia e storia di liberacion treci dilanti pa mas di 10 diseñadornan cu lo conta nan version.

Ya carchinan ta na benta online, na Galeria ArtisA, Dshop y Designs by Ronchi. Bo por yama 6990756 y nos ta deliver. Un Danki special na Renaissance Hotels cu lo ta e Fashion House 2023.

Pa mas informacion bishita [www.arubaartfair.com](http://www.arubaartfair.com); [www.artfashionaruba.com](http://www.artfashionaruba.com) of bishita Galeria ArtisA den Promenade. Unchained e diluvio di pensamentonan encunto liberacion, no perde!

## We Are HIRING

Join Our Award-Winning Team

**#1 TOP HOTEL IN THE CARIBBEAN**  
**#18 TOP HOTELS IN THE WORLD ON TRIPADVISOR**  
**THE FIRST CARBON NEUTRAL RESORT IN THE CARIBBEAN**

### OPEN POSITIONS

- ✓ CONCIERGE/FRONT DESK AGENT
- ✓ FRONT OFFICE SUPERVISOR
- ✓ HOUSEMAN
- ✓ ROOM ATTENDANTS
- ✓ TURNDOWN ATTENDANTS
- ✓ HOUSEKEEPING SUPERVISOR
- ✓ TECHNICIAN
- ✓ ENGINEERING SUPERVISOR
- ✓ HOST/HOSTESS (AM/PM)
- ✓ BEACH ATTENDANT
- ✓ SERVER (PM)

### BENEFITS

ATTRACTIVE SALARIES WITH BONUS OPPORTUNITIES  
5-DAY WORKWEEK WITH UP TO 27 VACATION DAYS  
GYM MEMBERSHIP WITH BODYZONE + HEALTH INSURANCES  
SAVINGS & LOAN PROGRAM, EMPLOYEE DISCOUNTS

**APPLY ONLINE AT: [WWW.BUCUTI.COM/CAREERS](http://WWW.BUCUTI.COM/CAREERS)**

**Elements RESTAURANT**



## Artistanan Sashah, Buleria, Elevate Trio y John Francis cu produccion musical nobo



**Cu hopi placer, nos por scucha na radionan local algun produccion nobo ultimo simannan. A pesar cu ta un era moderno, cu tur cos ta online, locutornan di radio ta gradici nos artistanan local, p'e confiansa keto bay mandando y promoviendo nan canticnan nobo pa y via nan.**


Sashah Figueroa

Sashah ya caba tin mas cu 45 aña den farandula di Aruba y atrobe den 2023 ta score un hit nobo titula "Ki bo ta Kere". Un dushi cancion bailabel cu melodia y letra campeon

spiertoando e cabayero cu su pareha ta pag'e cu e mesun moneda cu e ta uzando. E cancion ta composicion di Chuchio Hoek dfm. Areglo y coro ta Nigel Hoek. E ta produci pa SUHCY.

Pronto e lo ta riba tur streaming platforms. Pa mira Sashah live, por busca informacion riba su social media p'e lugarnan di su presentacion como solista of cu su ruman Angelo Figueroa y su Four Piece band. Tambe nan ta toca na tur fiesta local. Buleria


Despues di un radio tour exitoso siman pasa, Buleria, celebrando 9 aña, atrobe ta score lansando 4 cantica



nobo basa riba hechonan di bida real. E canticnan ta: "idiot" (Maryann), "no core" (Buddylove), "I love my single life" (Francois) y "Red Flags" (Rocco Flava). E cancionnan ta varia entre musico- y productornan campeon Dwight Leoneta, Rygel Isabella y Quincy Comenencia.

Pabien na Buleria cu 4 produccion campeon interpreta magistralmente. John Francis Jacobs

Treciendo un cancion dushi p'e oido, e cantante y productor Arubano aki a dal duro cu su salsa titula "Ya no mas". E cantica ta tocante e cabayero namora cu no por



warda mas pa casa cu su amor. "Ya no mas" ta componi, aregla y interpreta pa John Francis y riba Bass ta Kevin D'Abreu. Pabien n'e artista Arubano aki cu e dushi salsa aki cu ta zona bon na Aruba. Elevate Trio

Chris Kross, Susjaira Kerpens y Denzil Tromp ta forma ELEVATE TRIO. E tres artistanan aki a duna realese grandi n'e cantica y musica tipico Arubano di "CHANITA" hincand'e den un bachi nobo y moderno sin perde e tipico di dje. Elevate Trio ta gradici Vivian Lampe y Antonieta Ras Booi pa permiti nan grab'e. E letra di "CHANITA" ta di Hubert



Lio Booi y e musica ta di Padu Lampe y Rufo Wever. Tambe nan ta gradici The Box p'e locacion p'e clip bunita y cu un esfera trankil. Hopi pabien ELEVATE TRIO cu e creacion unico y bunita aki. Tur cu kier sostene nan, por pidi nan cantica na radio of pidi Dj-nan patocanan. Magic 96.5 FM, ta felicita Sashah, John Francis, Maryann, Rocco, BuddyLove, Ray Francois, Buleria completo, Chris, Susjaira y Denzil cu e tremendo produccionnan, cu ta regalo pa horea di tur fanaticada. Na cada un nos ta bisa cu cada aña boso bos y companamento ta bira mas y mas campeon.

## DMH aportando na Dia Internacional di Hubentud cu un actividad dirigi na nos hobennan

**Diasabra Departamento di Mucha y Hoben (DMH) a aporta na e celebracion di; Dia International di Hubentud 2023, unda e aña aki tabata dedica na e tematica di 'Green Skills for Youth: Towards a Sustainable World'.**

E meta di esaki ta pa empodera e mente di e hobennan y pa stimula e habilidad berde pa atende mas proactivo posibel. Pues pa tin un transicion exitoso pa un mundo mas berde, cu lo depende riba e desaroyo di e habilidadnan berde den nos comunidad. E habilidadnan berde ta: e conocimiento-, habilidad-, balor- y actitudnan necesario pa biba, desaroya y apoya un sociedad sostenibel y eficiente den e uzo di e recursonan.

A base di un peticion di ATHA, DMH conhuntamente cu maestro Sebastiaan Kraaijkamp a uni forsa y a percura pa brinda algun hoben di ATHA U-TH camp; 'Workshop interactivo relaciona cu e tematica di diferente tipo di relacion nan cu por ta saludabel vs toxico.

Durante e mainta aki a haci uzo di diferente estilo didac-

tico, mirando e complejidad di e tematica. A haci algun wega interactivo, como 'rol-lenspel' y un sesion di Kahoot. A opta pa brinda algun informacion relevante, pero combina pa laga e hobennan ta participa mas activo, dunando nan opinion y haci diferente rollenspel pa experiencia con por mancha situacion desafiante, manera por ehempel na momento di anda cu 'peer pressure' of ora cu mester scoge entre guy/chick of best friend, uzando e habilidadnan berde concreto como un hoben asertivo den nos sociedad.

DMH ta kere firmemente den stimula nos hobennan pa tin un participacion activamente den nos comunidad, unda nos hobennan ta haya sosten y ta promovi pa ta ekipa cu diferente habilidad berde, pa asina e hobennan por trece nan idea, sugerencia y ponencia dilanti na un manera mas educa y asertivo posibel.

Na final DMH ta para firme pa conhuntamente cu tur profesional, ciudadano y instancia crea un comunidad pa un futuro mas sostenibel den calidad di ser humano, unda nos hobennan ta mihor pre-

para pa por atende y expresa nan mes y asina por yega na

un mihor comprendimento, respet y/of compromiso mu-

tuo pa bienestar general di nos pais Aruba.

**ARE YOU READY FOR BACK2SCHOOL? CU HYBRID START**

**Afl. 299**

**GALAXY A34 5G 128GB**

**Ricibi un Nautica S100 Bluetooth Speaker GRATIS!**

**SETAR**

Prijs ta valido cu contract di Hybrid Start di 2 aña na balor di Afl. 55 pa luna, 15GB di data y Afl.10 di credito prepaga. Promocion Back2School ta inclui un Nautica S100 Bluetooth Speaker, cantidad ta limita y ta valido te cu 31 di augustus 2023.



## Detencion debi na conflicto durante evento na Convention Center, 2 dama a stroba trabao di polis

**Diadomingo** madruga a drenta informe di un conflicto grandi entre hoben y adulto durante evento na Renaissance Convention Center, mesora a dirigi patruyanan na e sitio.


Na yegada di e patruya a bin compronde cu un persona a ser saca for di e lugar pa su mal comportacion y esaki a cuminsa resisti contra polis. Ademas 2 dama a purba stroba trabao di polis. Na yegada di refuerzo polis a logra domina e situacion y a detene un sospechoso. Ultimamente tin hopi problema den e eventonan na e convention center unda cada biaha varios polis mester bay pa atende e problemanan.



## Hincamento na Dakota

**Diadomingo** madruga a drenta informe di un hincamento na Dakota. Mesora a dirigi tanto polis como ambulance na e sitio.

Na yegada di e patruya a bin compronde cu un persona lo a hinca un otro. Na yegada di e ambulance nan a atende cu e victima y a transporte pa hospital. Polis a tuma dato di e sucedido aki y tin e caso bao investigacion.



## Polis buscando convertible cora cu a dal e Cruz di e prome Stashi na Alto Vista

**Diadomingo** mainta a drenta informe di cu un auto convertible cora lo a accidenta riba e prome Cruz di e stashinan di e Via Crucis na Alto Vista, mesora a dirigi un patruya na e sitio. Na yegada di e patruya ya e auto a bandona e sitio caba.

Pero a mira e lastranan cuba keda unda e chauffeur lo a bay banda robes di caminda baha caminda dal algun ca-



dushi kibra djei subi caminda bek baha banda drechi di caminda y dal e Cruz kibra y despues di esaki bandona e sitio.



## Chauffeur di pickup truck a bay dal tras di un Suzuki Swift heridando pasahero

**Diasabra** atardi a drenta informe di un accidente cu hende herida banda di MFA Noord, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un pick-up truck no a regula su velocidad ni a mantene distancia a bay dal

tras di un Suzuki Swift, e impacto tabata asina fuerte cu e pasahero a resulta herida. Na yegada di e ambulance nan a atende e victima.





## Huma saliendo for di cas a bin resulta bari di sushi na candela

**Diadomingo anochi a drenta informe di cu ta mira huma saliendo for di un cas na Primavera, mesora a dirigi tanto polis como bombero na e sitio.**

Na yegada di e patruya a bin compronde cu aki lo ta trata di candela na un cas cu muraya hopi halto y polis a logra cu un slang di e bisiña pa asina paga e candekla den e bari. Na yegada di e bomberonan ya e candela den bari a ser paga caba. Pa tur segurida bombero a controla y a constat cu e peligro a pasa caba.



## Na Moko takelwagen a bay cu 3 auto bieu sin permiso di doño

**Diasabra merdia a drenta informe di hortamento di auto bieu sin permiso di e doño na Moko, mesora a dirigi un patruya na e sitio.**


Na yegada di e patruya a bin compronde cu e takelwagen DT 1260 a bay cu 3 auto bieu caba for di un garashi na Moko y tabata bayendo cu un di 4 auto eyan un persona encarga na e sitio a yama e doño di e autonan pa puntr'e si ta e a autorisa esey y su contesta tabata cu no y mesora a bay na e sitio. E persona na e sitio a pone e takelwagen laga e auto y a bisa e chauffeur di e takelwagen cu e doño ta na caminda pa eyan. E chauffeur a baha e auto y a bandona e sitio. Na yegada ya di e doño ya e takelwagen no tabata t'ey mas y e patruya a yega. E doño a pasa polis tur e informacion di e takelwagen y polis a bisa e doño cu e por pasa na recherche pa entrega keho.



## Polis a detene ciclista cu a bebe dimas reverse pickup dal otro auto

**Diadomingo atardi a drenta informe di un accidente dilanti supermercado na Bubali, mesora a dirigi un patruya na e sitio.**

Na yegada di e patruya a bin compronde cu e chauffeur di un pickup a bebe basta cerbes y ora ela sali bay reverse ela dal auto staciona. Polis a laga e chauffeur supla y ela surpasa e limite permiti. Esaki tabata asina hopi cu polis mester a detene.



## Auto a dal mucha cu a bay crusa caminda riba un electric step riba zebrapad

**Diasabra merdia un polis di trafico a bin topa cu un accidente cu hende herida cu a caba di pasa net pariba di e rotonde Ponton riba E.J. "Watty" Vos blvd., mesora a dirigi ambulance na e sitio.**

Locual a sosode ta cu e hóbencito a bay pasa coriendo riba e electric step pasando riba e zebrapad (cual no ta permiti solamente canando cu esaki y e auto a dal e y e hóbencito cu e step a bay dal den e windshield y e mucha a herida su brasa y tabata keha di dolor di esaki. Na yegada di e ambulance nan a atende e victima y a transporte pa hospital pa un control mas extenso.

herida su brasa y tabata keha di dolor di esaki. Na yegada di e ambulance nan a atende e victima y a transporte pa hospital pa un control mas extenso.





## Polis a detene chauffeur burachi cu a causa accidente frontal na Santa Marta

**Diadomingo madruga a drenta informe di un accidente na Santa Marta, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente unda cu e chauffeur di e Mitsubishi a perde control na un birada y a bay banda robes di e caminda y a bay dal frontal riba un Suzuki Swift di direccion contrario. Afortunadamente ningun hende a resulta herida. Ora polis a puntra e chauffeur di e Mitsubishi cuanto cerbes ela



bebe ela bisa di un caha ela bebe unicamente 2, pero ora ela supla ela registra riba 600 ugl. Polis a detene e chauffeur

mientras e otro chauffeur a ricibi un scual cuvsu merecido boet pa a core cu auto sin rijbewijs.



## Dobel accidente y cu hende herida na Cura Cabay

**Diasabra mainta a drenta informe di un accidente cu hende herida na Cura Cabay, mesora a dirigi patruya na e sitio. Na caminda pa e sitio a drenta informe di un otro acci-**

**dente na e mesun sitio y e biaha aki cu hende herida.**

Na yegada di e patruya a tuma nota di e 2 acciden-  
tenan unda e prome tabata trata di un chauffeur cu no a


regula su velocidad ni a mantene distancia a bay dal tras di un otro auto e segundo accidente ta cu un hende cu a resulta herida. Na yegada di e ambulans nan a atende e victima levemente herida.

## Polis a detene mordedo di lip na Caya Maishi Rabo

**Diadomingo atardi laat a drenta informe di un caso di mordemento di lip na Centro di Bario Brazil, mesora a dirigi patruya na e sitio. Na yegada di e patruya a bin compronde cu ya e dama victima a ser transporta pa Centro Medico den auto particular y tabata sangrando profusamente. Mientras e mordedo a bay Caya Mai-**

**shi Rabo.**

Na yegada di e patruya e sospechoso a bay sconde den cas keriendo cu polis no por detene. Polis a papia cun'e y a splik'e e gravedad si mester pidi fiscal auxiliar pa drenta y detene toch. E sopechoso a pense mihor y a sali y polis a detene. Mesora a hib'e na warda di Santa Cruz.



## Polis y bombero a bay Washington pa rescata un baby di 2 aña cu a keda sera den baño

**Diadomingo a atardi a drenta informe di cu un baby di 2 aña a keda gelock den baño na un cas na Washington, mesora a dirigi tanto polis como bomberonan na e sitio.**

Na yegada di e patruya nan a compila e informacion mientras na yegada di bombero nan a bres e porta di baño y nan a logra libera e baby atrapa.



## Arubaanse Voetbal Bond ta presenta grupo di Seleccion Damas U-14

Otro siman e team di Seleccion Damas U-14 lo ta saliendo rumbo pa Antigua pa asina representa nos dushi isla di Aruba den CFU Girls Challenge Series 2023.

E team di Seleccion di AVB tawatin un siman productivo cu diferente actividadnan manera team building, bus trip rond di Aruba, training na Kapel di Alto Vista/Hooiberg, charla di nutricion,

motivational sessions y nan a cera e siman cu icebath y massage pa asina recupera di un siman intensivo di training. Ademá, e damitanan a wordo sorpresa cu un bishita di Gillane Louwaars, un hungador di Seleccion Damas di Hulanda cu a participa den mundial di damas algun tempo atras.

Keda pendiente pa mas informacion di nos Seleccion Damas U-14.



## Minister Endy Croes a presencia wega amistoso entre S.V. Britannia Damas y Johnson University

*En conexion cu celebracion di 65 año di existencia di S.V. Britannia na*

Den cuadro di celebracion di 65 año di existencia S.V. Britannia ta organisa dia 12 di tur luna un actividad deportivo. Diasabra ultimo, Minister Endy Croes a presencia un tremendo wega amistoso di futbol U22 entre ekipo di S.V. Britannia Damas y Johnson University.

E wega tabata di un nivel halto y na final Johnson University a gana cu score di 2-0. Durante e anochi, Minister Endy Croes a haci entrega di un plakkaat na Sr. Todd Halliburton di Johnson University kende ta coach di e team

di Merca. Sr. Halliburton ta coach di e ekipo femenino di Johnson University di Tennessee, Merca. E ekipo di Johnson University ta na Aruba pa un siman di recreacion y training. Durante nan estadia na Aruba e ekipo di Johnson University a ofrece un "soccer camp" di tres (3) dia completamente gratis pa mucha homber y mucha muhe di 8 pa 12 año. Minister Endy Croes ta felicita directiva di S.V. Britannia cu e bunita iniciativa. S.V. Britannia ta trahando na un manera hopi positivo pa fomenta wega di futbol na Aruba.



## Tiger Taekwondo Academy preparando pa Aruba Open 2023

Stichting Tiger Taekwondo Academy tabata tin un anochi informativo tocante Open Aruba Taekwondo 2023.

Aruba Open 2023 ta tuma lugar di 21 pa 26 di Augustus den Centro Betico Croes y lo conta cu mas di 88 atleta nacional y internacional. E reunion aki tawata conhuntamente cu tur representante di scolnan di Taekwondo pa

asina eligi e boluntarionan pa e camping y campeonato 2023.

Presente, brindando informacion, tawata e miembro- y coachnan di Tiger Taekwondo Academy cu ta master Teo Rodriguez, Jason Ridderstaat, Nury Cop y Veronique Lugo.

Dia 22 di augustus 2023, ta cera conoci cu e coachnan internacional cu lo ta na Aruba.





Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## BISTA POLITICO

*Minister di Enseñansa Endy Croes cu mensahe pa aña escolar 2023-2024:*

### Deseando tur alumno, maestro y esnan den campo di enseñansa un aña escolar exitoso

Minister di Enseñansa y Deporte Endy Croes a splica cu e siman aki e aña escolar nobo, esta aña escolar 2023-2024 lo inicia. Como Minister di Enseñansa ta desea tur alumno, pero tambe tur maestro un aña escolar exitoso. Minister Croes ta

sigui splica cu Enseñansa ta e fundeshi di un pais. Enseñansa ta e motor di un pais y ta hopi importante pa e desaroyo profesional y personal di nos hobennan y di cada conciudadano. Enseñansa ta e yabi pa forma un comunidad competente y asina hunto crea un miho sociedad. Minister Endy Croes ta encurasha tur mayor pa sigui



guia, motiva y inspira boso yuinan pa haci nan maximo esfuerzo na scol. Splica nan tur dia continuamente e importancia di enseñansa. Alabes, ta termina deseando nos

maestronan y tur esnan den e campo di enseñansa hopi pasenshi, amor y sabiduria pa e aña escolar nobo. Nos ta orguyoso di boso y masha danki pa contribui den e desaroyo



*Prome Minister Evelyn Wever-Croes:*

### Reduccion den e cifranan di criminalidad, lo sigui tin un efecto positivo riba desaroyo di Aruba su pilar economico, turismo

*“Ta solamente ora bo tin amor pa bo trabou y pa bo pais, bo ta yega na logronan beneficoso asina”*



Dialuna mainta, por a tuma nota di un conferencia di prensa di Gobierno, na unda Minister di Husticia Rocco Tjon a anuncia un rebaho den e cifranan di criminalidad na Aruba pa aña 2023. Esaki sigur ta un bon noticia pa Aruba en general y pa turismo, cu ta e pilar economico di e pais. Prome Minister Evelyn Wever-Croes a indica cu un di e prioridades di su Gabinete ta

siguridad di e comunidad en general. E ta hopi importante pa nos hendenan por sinti nan mes sigur, y por biba tranquilo riba e pida baranca aki. Pero esaki no ta conta solamente pa e comunidad di Aruba, sino tambe pa tur esnan cu ta bishita nos isla, sea pa vakantie, trabou of cu-alkier otro motibo.

Turismo, cu ta conta pa e gran parti di Aruba su GDP



ta creciendo. Segun Banco Central, danki na e sector aki, ta premira un crecimiento economico mas grandi di loke a wordo anticipa. Pa cu esaki, e noticia di e reduccion den e cifranan di criminalidad ta hopi importante, mirando cu un subida lo por afecta e crecimiento aki negativamente. Esaki sigur no lo beneficia economia di pais Aruba, mirando cu ta hopi ta e negoshinan, hotelnan y companianan cu ta depende

directo of indirectamente di e sector aki.

E rebaho e cifranan di criminalidad, no ta bin su so, sino danki na e bon trabou di esnan cu ta labora den e sector di husticia. Primeramente, Prome Minister ta gradici Minister Rocco Tjon, pa su vision y dedicacion na husticia di pais Aruba. Tambe ta gradici cuerpo policial, pa tur nan esfuerzo y determinacion pa logra yega na e reduccion aki. “Boso trabou no ta uno



facil, y ta trece hopi riesgo cune, pero e amor y pasion cu cada un di boso a desplega durante aña, pa logra baha e cifra aki y alabes resolve hopi caso, ta di admira y aprecia. Ta solamente ora bo tin amor pa bo trabou y pa bo pais, bo ta yega na logronan beneficoso asina” Prome Minister a expresa.



*Merca:*

## Ex-oficial di FBI ta declara su mes culpabel di a yuda oligarca Ruso

(AP)—Un ex-oficial di e division di contraspionahe di FBI a declara su mes culpabel di un carga di conspiracion diamars, admitiendo cu el a dicidi despues di a retira for di e agencia pa traha pa un oligarca Ruso, ken el a investiga den pasado pa por haya mas informacion tocante e rival di e oligarca.

Charles McGonigal (55), a drenta e declaracion den corte federal na Manhattan pa un solo conteo di conspirando pa viola e Acto di Poder Economico di Emergencia Internacional y pa comete labamento di placa. McGonigal a conta hues Jennifer H. Reardan cu el a comete e crimen aki den temporada di lente y herfst na año 2021, aceptando mas cu 17.000 dol-



lar pa yuda magnato di energia Ruso, Oleg Deripaska, por medio di colecta informacion deroga tocante un oligarca Ruso cu tabata un rival empresario di Deripaska.

A plania e sentencia pa dia 14 di december y McGonigal

por enfrenta te cu cinco año den prizon. Abogado Assistant, Rebecca Dell, a conta e hues cu fiscalnan tin prueba cu McGonigal tabata haciendo esfuersonan pa kita Deripaska for di e lista di sancion Mericano. Tambe el a bisa cu ex-oficial tabata den negocia-

cion hunto cu co-conspiradonan pa ricibi un salario di 650.000 pa 3 milyon dollar pa busca filenan electronico cu ta revela activonan di 500 milyon dollar perteneciendo na e rival di Deripaska.

McGonigal, un residente di Manhattan, tin carga separa den corte federal na Washington, D.C. di scondemento di al menos 225.000 dollar den cash cu supuestamente el a ricibi for di ex-oficial di spionahe Albanes mientras cu e tabata trahando pa FBI.

Mggonigal tabata un agente special encarga di e division di contraspionahe di FBI na New York entre 2016 y 2018. El a supervisa investigacionnan di oligarcanan Ruso, incluyendo Deripaska, ken a ser sanciona na 2018 pa e Ofi-

cina di Control di Activonan Stranhero di e Departamento di Tesoro di Merca.

E Corte di Distrito Mericano pa e distrito di Columbia a afirma despues e sancionnan contra Deripaska, hayando cu tabatin prueba cu Deripaska a actua como un agente di e Presidente Ruso, Vladimir Putin.

McGonigal, ken a bira emocional na dado momento mientras cu e tabata describiendo su crimen, a bisa cu Deripaska a pag'e e 17.500 dollar cu el a haya via un banco na Cipres y un corporacion na New Jersey prome cu esaki a ser transferi den e cuenta di banco di McGonigal.

## Gobierno di Reino Uni ta nenga acusacionnan cu nan tabata slow den evacua solicitantenan pa asilo



(AP) - Gobierno di Britania riba dialuna a nenga acusacionnan cu nan tabata slow den evacua solicitantenan pa asilo for di un boto na e costa di England na momento cu a haya rasgo di bacteria cu ta causa e malesa Legionnaire den e barco su sistema di awa.

Den e critica mas recien di e gobierno su esfuerso pa controla migracion y reduci e gasto di vivienda den medio di un aumento di solicitantenan pa asilo, oficialnan di

salud local a bisa durante e fin di siman e operador di e barco a keda informa tocante e bacteria dialuna siman pasa, dianan prome cu e solicitantenan a ser movi na Bibby Stockholm.

Sinembargo, Secretario di salud Steve Barclay a bisa cu e ministernan no a keda informa tocante e bacteria te diahuebs y nan a "tuma accion sumamente rapido." E departamento central di e gobierno cu ta trata migracion, a move tur 39 hende homber cu tabata bibando den e barco na otro acomodacion riba



diabierna. Preguntanan tocante e gobierno su respuesta na e problema di e bacteria a bini despues cu inmigracion a domina e noticia den e fin di siman, cu un aumento di migrantenan crusando English Channel den botonan chikito durante un periodo di bon tempo, cu por lo menos 6 persona fayeciendo ora un di e botonan a hundi den e costa di Francia. Mas di 1,600 persona a yega England den 30 boto for di augustus 10 te

12 segun e gobierno a publica dialuna.

Prome Minister Rishi Sunak a bisa cu para e botonan aki ta e meta clave mientras e ta buscando e topiconan cu lo trece sosten di votadornan pa su partido, cual actualmente no ta teniendo un bon resultado den encuestanan di opinionnan, prome cu e eleccion general cu ta premira lo tuma luga proximo año. E malesa di Legionnaire ta un

inspeccion serio di respiracion cu ta ser causa ora e personanan inhala druppelnan chikito di awa cu ta contene e bacteria. Esaki no ta ser transmiti di persona pa persona, pero si ta ser haya den sistemanan di awa di edificionan gnadi y lineanan di awa cu no ta den uso regular. Mientras e sintomanan ta similar na griep, Legionnaire's ta un malesa pa cual tin tratamiento y esaki usualmente ta antibiotica.



KPA:

## Fecha pa entrega peticion pa benta di klapchi 2023

Cuerpo Policial Aruba ta informa tur persona cu kier bende klapchi pa aña 2023 pa tene cuenta cu e siguiente informacion pa entrega e formulario di peticion pa benta di klapchi 2023.

E formulario di peticion pa benta di klapchi por wordo entrega solamente na warda di polis Santa Cruz situa na Macuarima.

Por entrega e formulario desde diamars 15 di augustus 2023 te cu diaranson 15 november 2023. For di 8:30 mainta te cu 4'or atardi.

Bo por download e formulario di peticion digital ariba nos website [www.kpa.aw](http://www.kpa.aw) den e seccion di servicio y bay den e balki di permiso. Yena y haci e rekisitonan y despues entrega esaki.



Cuerpo Policial ta informa cu despues di e fecha menciona, no lo acepta ningun formulario pa peticion di permiso pa benta di klapchi. Ta pidi tur hende pa por favor tene bon cuenta cu esaki pa despues bo no haya bo cu sorpresa desagradabel of perdida financiero.

Comerciantenan ta cordialmente invita pa asisti na un sesion informativo tocante BBO na frontera dia 17 y 18 di augustus proximo

*Haci reservacion pa segura Bo luga*



**E ley di BBO na frontera a drenta na vigor 1 di augustus 2023 y ta encera cu lo bay cuminsa cobra BBO, BAVP y BAZV na momento cu ta importa producto na Aruba.**

Ta importante pa comunidad en general, specialmente e comerciantenan, ta na altura di e cambionan di ley y procesonan nobo cu esakinan ta trece cune. P'esey Departamento di Impuesto a organisa 2 sesion extra di informacion diana 17 y 18 di augustus venidero.

**E orario ta lo siguiente:**

17 di augustus 2023 2:00-4:00 pm

18 di augustus 2023 10:00 am -12:00 pm


Por scoge un di e fechanan menciona y haci reservacion via nos formulario digital:





















Debi cu cupo ta limita, lo acepta maximo 2 persona pa cada reservacion. E invitacion ta valido pa tur comerciante. Na final di e sesion lo tin oportunidad pa haci pregunta relaciona cu e cobranza di BBO na frontera.

Pa reservacion por scan e QR code of usa e link:

[https://docs.google.com/forms/d/e/1FAIpQLSc9BKgyZZX1nFpKRl9gZADC72l-Mji6\\_UArCJb2SuNOR-0EiA/view-form](https://docs.google.com/forms/d/e/1FAIpQLSc9BKgyZZX1nFpKRl9gZADC72l-Mji6_UArCJb2SuNOR-0EiA/view-form)



Resultado Sorteo 15 augustus 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6753	2577	5716	5215
7724	9393	SUPER5	4800
2003	0843	43590	1381

MERDIA	ANOCHI		
 Sorteo # 4003 4659 6492 0718  X3  Sorteo # 4003 5613  Sorteo # 2058 3257  Sorteo # 4003 3131 Aquario  Sorteo # 877 462  FP	 Sorteo # 8018 8260 2380 0673  X2  Sorteo # 7062 3096  Sorteo # 1767 1344  Sorteo # 5821 5482 Scorpio  Sorteo # 751 063  X2	 Sorteo # 0 x Jackpot 0 x Match 4+ 0 x match 4 0 x Afl. 12,00 385.000,-  Sorteo # 6209 0 x Jackpot 5 x Match 4 164 x Afl 8,00 74.000,-  Sorteo # 1585 0 x Jackpot 0 x match 4 6 x Afl. 500,00 44 x Afl 50,00 59 x Afl.15,00 350.000,-  Afl. 460.000,-  Sorteo # 	 Joker Letter Proximo Jackpot 385.000,- 03-13-20-22-27 Proximo Jackpot 74.000,- 05-11-12-26 Mega Ball: 03 Proximo Jackpot 350.000,- Afl. 460.000,-

King Classic Sudoku

		8		4		3	
	4		2	6	5	9	8
		5	8	9		2	4
4		3		8			
			6	2	9		3
8	9						1
		6					7
	1	9		7	2		6
			3		6	1	
							9

Difficulty: ★★

8/15



# Clasificado

**ECONOMICO** aviso@bondia.com

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na  
 classified@csprnv.com

**TA BUSCA**  
 Cellular & Accesoires Master  
 ta busca  
 "Cell Phone Technician"  
 Por yama na  
**Tel. 749 8368**  
 Paradera 40 -C

**SERVICIO PUBLICO**  
**Limpieza pa cas y auto**  
 Presure wash cura di cas  
 Laba muebles  
 Laba tapijt  
 Laba sienta di auto  
 Laba vloer  
**Tel. 593 9464**

**SERVICIO PUBLICO**  
 Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

**SERVICIO PUBLICO**  
 Buscando auto pa huur y na bon  
 prijs? yama nos  
**Tel. 593 9953/ 593 8453**

**TA HUUR**  
 Cas na Bubali 17G  
 3 camber / 2 baño  
 Pa mas info  
**Tel. 561 1496 / 662 9832**

**TA BENDE**  
 BBQ Grill tipo cilinder  
 "criyoyo" duradero  
 Prijs Afl.250  
**Tel. 569 7787**

**SERVICIO PUBLICO**  
 Nos ta chapi, corta y planta  
 mata, brinda tur servicio cu bo  
 cura mester. Tira sushi afo, tur  
 esaki na un super bon prijs  
**Tel. 738 1908**

**SERVICIO PUBLICO**  
 Sushi den cura pa solamente  
 50,- pa buelta, nos ta lante lague  
 limpi mane un soño.  
 Arubiano trahado  
**Call 592 5766**

**SERVICIO PUBLICO**  
 Ta traha y renoba Cas  
 ta traha y drecha dak, ta basha  
 vloer, pleister, verf cas, traha  
 cura, pega mosaico y azulejo-  
**Tel.563 4168**

**SERVICIO PUBLICO**  
 Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 /737 3993**

**TA BUSCA**  
 Smart 180 Conveniet Store  
 ta busca  
 un Verpakker  
 esnan interesa por tuma  
 contacto na  
**Tel. 592 9778**  
 pa un entrevista

**SERVICIO PUBLICO**  
 Sra. ta haci cas y negoshi limpi  
 tambe por cuida baby y hende  
 grandi part time y full time  
**Tel. 740 7573**

**TA HUUR**  
 Se alquila habitacion con todo  
 incluido  
 Brikstraat na Playa  
**Tel.564 1979**

**TA BENDE**  
 Combo di regalo pa  
 tur ocasion:  
 Mugs, kerki di biña, tablashi cu  
 leyenda  
 Pa mas informacion  
**Cell whatsapp 567 2907**

**SERVICIO PUBLICO**  
 Ta haci tur trabou di  
 construccion y carpinteria y tur  
 cos cu ta furamento di stul di  
 bambu, cabana y toldos  
**Tel : 746 0518 / 569 7539**

**SERVICIO**  
 Unified One Events  
 Photos , films, wedding  
**Tel. 749 2533**

**Sushi den cura?**  
 Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

**SERVICIO PUBLICO**  
 Nos ta haci trabou di  
 plomeria, electricidad,  
 hardineria incluye hiba sushi  
 Handy man.  
**Tel.742 6250**

**SERVICIO PUBLICO**  
 Mi ta chapi, lanta sushi, corta  
 mata, transporta frigidaire, was-  
 machine biew, drecha cas, etc.  
**Tel. 564 1979**

**SERVICIO PUBLICO**  
 Pa haci trabow di verf y chapi,  
 tur mantencion di pafor di cas  
 Yama y puntra pa Benito na  
**Tel.630 5185**

**TA BUSCA**  
 trabou pa haci cas limpi,  
 negoshi of oficina  
**Tel.561 3910**

**SERVICIO PUBLICO**  
 Handyman  
 Pa trabouw di verfmento  
 plumbing tuberia, chapi,  
 limpieza di cura, drecha mata  
**Tel : 567 1108**

**SERVICIO PUBLICO**  
 Mi ta ofrece servicio pa haci  
 reparacion di porta, ventana y  
 hopi mas. Arubiano Balente  
 Pa mas informacion por yama  
**Tel. 563 6762**

**FOR RENT**  
 Bunita cas na Gold Coast  
 3 camber 2 1/2 baño, sala,  
 comedor, cocina y patio. Pa  
 mas informashon por  
 whatsapp  
**+58 414 614 7440**

**SERVICIO PUBLICO**  
 Pa trabou di data-entry of  
 update di bo administracion pls  
 contact:  
**Tel.568 2339**

**SERVICIO PUBLICO**  
 Mi ta ofrece servicio di  
 electricista en general corto  
 circuito y mantencion  
**Tel.566 5026**

**TA BUSCA**  
 Señora cu auto dialuna pa  
 diabierna pa busca yiu di skol,  
 cushina y hasi limpieza di cas  
 11.30 -5.30  
**Tel. 563 8822**

**SERVICIO PUBLICO**  
 Masaje relajante, sports ma-  
 sages, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

**SERVICIO PUBLICO**  
 Mi ta ofrece pa cuido di mucha  
 di dialuna pa diabierna y  
 weekend. Pa informacion  
**Tel. 558 7310**

**SERVIO PUBLICO**  
 Ta ofrece pa verf y chapi cura  
 bon prijs. Nos ta hiba e sushi.  
 Yama pa mas informacion na  
**563 4828 / 5679610**

**SERVICIO PUBLICO**  
 Hacemos todo tipo de construc-  
 cion, reparacion de casas, pin-  
 tura, acabados finos, jardines,  
 patios, techos a buenos precios  
**Tel. 569 7539 / 746 0518**



**Cas Di Cultura**  
 Vondellaan 2 Aruba  
 297-582-1010  
**F A D A**  
 Campanastraat 5 Aruba  
 297-583-2999  
 297-583-9610  
**F A V I**  
 Primavera 233 Aruba  
 297-582-5051  
 297-582-5222

**F E P O**  
 Engelandstraat 15 Aruba  
 297-583-1016  
 297-583-6607

**Fundacion Contra  
 Violencia Relacional**  
 Tel: 583-5400

**Fundacion Autismo  
 Aruba**  
 Irenestraat 21 Aruba  
 297-588-1179

**Fundacion Pa Nos  
 Muchanan**  
 Cumana 2 Aruba  
 297-583-4247

**Fundacion Tel Pa  
 Hubentud**  
 Wilhelminastraat 19  
 Aruba  
 297-588-6138  
**Koningin Wilhelmina  
 Fonds**  
 Spinozastraat 9 Aruba  
 297-582-0412


**Mary Joan Foundation**  
 Sabana Blanco 8 Aruba  
 297-588-9999  
**Rode Kruis Aruba**  
 Pedro Gallegostraat 14  
 Tel.297-582-2219  
 Fax 588-3376

**Famia Planea (SBVO)**  
 Avenida Milio J Croes 17  
 B Aruba  
 297-588-9591  
 www.famiaplanea.org  
 famiaplanea@hotmail.  
 com

**Stichting Fundacion  
 Guia Mi**  
 George Madurostraat 34  
 297-582-0088

**Y M C A**  
 Calbasstraat 1 Aruba  
 297-582-3072

**AL-ANON group**  
 Sabana Liber #8, Noord  
 (close to the hotels)  
 Tel: 736-2952 or  
 593-7081

 **Dokter na warda**  
**Oranjestad** **San Nicolas**  
**Hospital** **Imsan**  
 7:00 pm / 10:00 pm **24 ora**

**Botica na warda**  
**Oranjestad:** **San Nicolas:**  
 Eagle San Nicolas  
 Tel. 587 9011 Tel. 584 5712  
**EMERGENCIA** **911**

**POLIS**  
**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line** **11141**  
**Brandweer** **115**  
**Ambulance** **911**  
**Hospital** **527-4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

**BOTICA**  
**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

**UTILIDAD**  
**Setar** **117**  
**Web** **525-4600**  
**Elmar** **523-7147**

**FUNERARIA**  
**Aurora** **588-6699**  
**Royal Funeral H.** **586-4444**  
**Ad Patres** **584-2299**  
**Olive Tree** **584-8888**

**Servicio di Taxi**  
**Aruba Transfer Tour &  
 Taxi C.A.**  
 Tel: 582 2116 /582 2010  
**Taxi Adres Services (24h)**  
 Tel. 587 5900  
**A1 Taxi Services Aruba**  
 Tel: 587-8850  
 Tel: 280-2828  
 Whatsapp: 592-7024



# Aurora

## Royal Pray

Funeral Home & Crematory

Pero esnan cu confia den Señor lo haya forsa renoba, nan lo bula bay ariba cu hala manera Aguila. Nan ta cana sin cansa, nan ta cana sin perde rosea Isaías 40: 31

Cu dolor na nos curason, nos ta participa fayecimento di nos ser stima:



**Juanita V. de Cuba**  
\*11-05-1945 - †13-08-2023

Acto di entierro lo wordo anuncia despues

# Aurora

## Royal Pray

Funeral Home & Crematory

Dios a yama mi ora mi tabata reza y vigila.  
Y asina mi a separa for di boso.  
Boso curazon No bira tristo.  
Stima otro, manera Ami a stima boso.

A bay sosega den brasa di señor un esposo, tata, nos swa, ruman y omo stima:



**Frank Koolman**  
\*31 october 1936 †8 augustus 2023  
Cariñoso yama "Mo Frank"

Na number di su:  
Esposa: Isidora (Dora) Koolman – Hernandez

Yiu: Fabrizio Franco Koolman y Claudia Coronado Tovar.

Tata y Mama:  
†Lorenzo y †Carmen Juliana Koolman - Wout

Su Rumannan:  
†Sabina Koolman viuida di †Candelario Quandt y famia  
†Laurens (Max) y Felicia Koolman y famia  
Rosabela (Rosita) Koolman y famia  
Jacqueline (Sira) Koolman viuida di †Alfred Allen y famia  
†Robert "Robbie" Koolman  
Adriana Koolman y famia  
†Eldy y †Sita Koolman - Maduro y famia  
†Pablo Flanegin  
Erwin Flanegin  
Freddy Flanegin

Cuñanan y Swa nan:  
†Cijena y †Didi Thiel - Hernandez  
Catharina Hernandez  
†Olga Maria Hernandez  
Ludwina y Roy Angela - Hernandez  
†Poli y Chanita Hernandez – Boekhoudt  
†Ildo y Angela Hernandez - Peasch  
†Fernando Hernandez

Tantanen:  
Laurinda Geerman  
Marcela Geermen

Tur subbrino(a)nan: Norman Danies, Joan Danies, Aldemara Koolman, Alfredo Koolman, Manolo Koolman, Gianna Koolman, Sergio Quant, Anthony Quant, Dolores Allen, Johnny Allen, David Allen, Betina Rouse, Cindica Rouse, Marvin Rouse, Carmelo Rouse, Agnes Koolman, Elizabeth (Lili) Koolman, Eldito Koolman, Danilo Koolman

Su primo(a)nan: na Aruba, Corsou y Boneiro, Comer y compernan  
Bisñanan y demas amigo y nan conocirnan.

Demas famia:  
Koolman, Hernandez, Navas, Wout, Geerman, Gamara, Rodriguez, Helder, Rosel, Hart, Piar, Stricz, Salsbach. Angela, Boekhoudt, Thiel, Peasch, Maduro, Kelly, Quant, Allen, Rouse, Danies, Quandt, Werleman, Stamper, Rasmijn. Groeneveld, Ras.

Ta invita pa asisti na e acto di condolencia cu lo tuma lugar diamars 15 di augustus 2023 na Royal Funeral Home for di 7:00 pa 9:00 di anochi.  
Invitacion pa acto di entierro cu lo tuma lugar diaranson 16 di augustus 2023. E Restonan mortal lo ta reposa na Royal Funeral Home for di 9:00 pa 11:00 di mainta.

Despues nos lo compañía e defunto na su ultimo lugar di sosiego na Santana Central na Sabana Basora.  
Nos ta pidi nos disculpa si den nos tristesa nos por a lubida un of mas famia.  
Despues di entierro nos no lo ricibi bishita na cas.

# Aurora

## Royal Pray

Funeral Home & Crematory

Shelo ta di fiesta, e reina di alegria a tuma su ultimo vuelo cu destinacion shelo, asina nos lo cord'e, semper contento, semper cu un sonrisa y semper bailando.

Cu dolor na nos curason, pero conforme cu boluntad di Dios, nos ta participa fayecimento di nos ser stima:



**Frederika Laclé – Oduber**  
mihor conoci "Dididi/Deis"  
Vda di Adriaan "Poipy" Laclé  
20-11-1923 – 12-08-2023

Yiunan:  
Alvin y Imelda  
Vilma y George  
Adriaan "Poipy" y Marouschka  
Oscar "Pinky"  
Nietonan:  
Alvin, Janice y yiunan  
Walter, Amy y yiunan  
Clarissa, Marcel y yiunan  
Imalva y Anthony  
Dwight, Artaiza y yiunan  
Omar, Hilda y yiunan  
Giomar, Yeritza y yiunan  
George-Dimar, Kristina y yiunan  
Jeniree, Richard y yiunan  
Antoine, Angelique y yiunan  
Sherelyn y Benjho  
Rudselyne  
Aryenne y Joscar  
Rumannan na bida:  
Edwin "Winchi" y †Lesbia Oduber-Toledo y famia  
Emma y Ildo Ponson-Oduber y famia  
Geraldine y Eliseo Colin-Oduber y famia

Prima Stima:  
Daphne Arends y famia  
Corrie Oduber y famia

Mama di su nietanan:  
Judith Croes

Su iha stima:  
Gor Rozenberg y famia

Amiganan di cas:  
Shanine, Arelys, Lichi, Antonia, Joanne, Brigida, Dalilah, Sharla, Reeshma y Chichi.

Subbrino/a nan, primo/a nan, amigo/a nan, tur esnan cu a yud'e y tur demas famia:  
Laclé, Oduber, Tromp, Arends, Heronimo, Croes, de Kort, Ponson, Colin, Kelly, Harms, De Castro Loopstok, Finke, Daal, Claire, Ras, Bergen, Duzon y Franken.  
Acto di entierro y condolencia lo tuma lugar: Diahuebs 17 di Augustus 2023 na Aurora Funeral Home desde 7pm pa 9pm  
Diabierna 18 di Augustus 2023 na Misa San Francisco na Playa 9am pa 11am y despues pa Santana Catolico na Playa.  
Lamentablemente despues di entierro nos no por ricibi bishita di condolencia na cas.  
Nos disculpa si den nos tristeza nos por a lubida di un of mas famia.  
Preferiblemente na lugar di flor of krans por hasi un donacion na Hospice Atardi. Pa esaki lo tin un box disponible na Aurora y Misa.



Conforme cu Dios su boluntad,  
OLA Ship Supplies ta participa fayecimento  
di nos estimada colega  
den nos departamento di administratie



**Sra. Rosalinda Yolanda Croes-Tromp**  
mihor conoci como Linda

Gerencia, Staf y Personal di OLA Ship Supplies  
ta extende palabra di condolencia na:

Yiu Gerrit E. E. Croes  
Yiunan di criansa, Rumannan Y demas famia.

Acto di entierro lo tuma lugar  
diaranson 16 di augustus 2023  
di 2or pa 4or di atardi na  
Misa Pro Catedral San Francisco.



# Aurora

## Royal Pray

Funeral Home & Crematory

A fayece na edad di 87 aña



**Ismaël Marcelo Laclé**  
\*4 september 1935 - †10 augustus 2023

Na number di su:

Esposa:

Allegonda Laclé – de Rijk

Yiunan:

Eugène Laclé y Gerrie Laclé - van Gent (Hulanda)

Marcel Laclé y Iraides Laclé – Sanchez Hernandez y yiunan

Mireille Laclé y Gerald Franca y yiunan

Unico nieto:

Omar el Hage

Rumannan

† Clyde Laclé y Famia

† Thelma Laclé

† Olga Viera Alves -Laclé y Famia

† Edgar Laclé y Famia

† Rita Laclé

Filomena (Mena) y Gerard Marsman-Laclé y famia (Hulanda)

Enfermera: Sherling Maignan

Tata di Omar: Burney el Hage y famia

Sobrino y Sobrinanan:

Marcel Sommer y Famia, Max Laclé y famia,

Monique Laclé y Famia, Eduardo Laclé y famia,

Robby Laclé y famia, Angelique Laclé, Chaim Alves y Famia

Gladys Moldovan-Viera Alves y Famia, †Franklin

Viera-Alves y Famia, †Anthony Viera-Alves y Famia

Junior, Thelma, Raquel y Celeste Laclé

Patricia Papaikonomou-Marsman y Famia, Chantal

de Jong-Marsman y FamiSwa y cuñanan

Riet van Hoof. Demas swa y cuñanan na Hulanda y Nieuw Zeeland

Demas famianan:

Laclé, Yarzagaray, el Hage, de Mey, Erasmus, Luidens, Sommer, de Rijk, van Hoof, Viera -Alves, Marsman, Tromp, Thijzen, Franca, Haines, Van Gent, Sanchez Hernandez y Lampe.

Bisiñanan:

Famianan Geerman, Kelly, Boekhoudt, Tromp y Solognier

Gradicimento ta bay na Dr. Bos, Dr. Oudshoorn, Dr. Raven, Dr. Lanting, empleadonan di HOED, personal di Ambulance/IMSAN y empleadonan di Botica Central (Santa Cruz).

Lo tin oportunidad pa condoleer diaranson 16 augustus 2023 di 9:00am – 11:00am na Aurora Funeral Home. Cremacion lo tuma lugar den ceno familiar.

Envéz di flor of krans por haci un donacion na Stichting Algemene Bejaardenzorg Aruba (SABA). Pa esaki lo tin un box disponible. Tambe lo por hasi donacion na SABA riba nan cuenta bancario.

# Aurora

## Royal Pray

Funeral Home & Crematory

Conforme cu Dios su boluntad nos ta anuncia fayecimento di nos estimada mama, ruman, tanta, subrina y amiga.



**Rosalinda Yolanda Croes-Tromp,**  
mihor conoci como Linda.

Na number di su:

Yiu: Gerrit E. E. Croes

Casa:

† Ephrem G. Croes

Mayornan:

† Hypolito (Poli) Tromp

† Mercedes Tromp-van der Biezen

Yiunan di criansa:

Ellen S. Croes

Rhamsey R. Croes y Renate Croes-Hoogendoorn

Rumannan:

Patricia (Tisha) Tromp

Glenda y Pete Geerman-Tromp

Lisette (Liesje) Tromp

Manera rumannan:

† Ricalda (Cada) Winterdal y famia

Myrna y Alberto van der Biezen y famia

Donald (Donny) Ruiz

Subrinonan:

Patrick y Melissa Ruiz-Maduro y yiunan

Geraldine Geerman y Jonovan

Dubero

Darline Ruiz y Alejandro Bedoya y yiunan

Michael Geerman

Marynelle y Alexander Ras-van der Biezen y yiunan

Manera nietonan:

Quint Croes, Janou Croes y Max Croes

Chloë Ruiz

Tanta y omo stima:

Mary Giron-Van der Biezen y famia

Ambrosio (Shito) y Arnolda Van der Biezen-Pourier y famia

Tantanen:

† Anita y Luis Figaroa-Tromp y famia

Veronica van der Biezen y famia

Celestina van der Biezen y famia

Omonan:

† Gregorio y Lodewika Tromp-Figaroa y famia

Aniceto Tromp y famia

Dominico y Elsa Tromp-Figaroa y famia

Eulogio (Okko) Tromp y famia

Jose Tromp y famia

Max y Filomena Tromp y famia

Gregorio (Goy) Van der Biezen y famia

Victor van der Biezen y famia

Suegronan:

† Roman (Ro) Croes

† Sylvia Marie Croes-Maduro

Sua y cuñanan:

† Sylvia (Sinda) Croes y yiunan

Meachel y Mayra Croes-Tromp y yiunan

Carlo y Francis (Nana) Croes-Werleman y yiunan

Ricky y Xiomara Croes-Williams y yiu

Henry Croes y Disney Correa y yiunan

Amiganan stima:

Judith Vrolijk-Croes

Soraya Pieterse

Hermine Laclé

Lourdes Tromp-Vrolijk

Iha:

Chaira Giron y famia

Y demas famia: Tromp, Croes, Ruiz, Geerman, Van der Biezen, Bedoya, Hoogendoorn, Figaroa, Pourier, Giron, Maduro, Williams, Werleman, Correa, De Cuba, Winterdal, Kelly, Damon, Semeleer, Ras, Guede, Gomez, Kock, Willems, Davies, Oduber, Boekhoudt, Yarzagaray, Wolf, Flanegin.

Acto di entiero

Lo tuma lugar riba Diaranson 16 di augustus 2023 di 2or pa 4or di atardi na Misa Pro Catedral San Francisco.

Nos ta pidi disculpa si nos por a lubida algun familiar di e defunto. Ta lamenta cu despues di entiero no ta ricibi bishita di condolencia na cas.

# Aurora

## Royal Pray

Funeral Home & Crematory

“Señor ta mi wardador, mi’n tin falta di nada


Den cunucu di yerba berde e ta ponemi sosega.

E ta hibami na awa tranquil,

Pa mi bolbe haña forsa”.

Salmo: 23

Nos ta anuncia fayecimento di:



**Teres Chery**

Acto di condolencia lo tuma lugar na Aurora Funeral Home, Diabierna 18 augustus 2023 for di 7or te cu 9or di anochi.

Ta invita pa acto di despedida cual lo tuma lugar na Aurora Funeral Home Di- asabra 19 augustus 2023 di 2’or pa 4or di atardi despues lo Sali bai pa santana central na Sabana Basora.

# Aurora

## Royal Pray

Funeral Home & Crematory

“Señor ta mi wardador, mi’n tin falta di nada

Den cunucu di yerba berde e ta ponemi sosega.

E ta hibami na awa tranquil,

Pa mi bolbe haña forsa”.

Salmo: 23

Cu profundo dolor na nos curason, nos ta anuncia fayecimento di:



**Nelson Guillermo Jacobs**  
Mihor conoci “Netto”  
09-12-1961 - †12-08-2023

Acto di entiero lo wordo anuncia despues



# TAKE OFF + CASH BACK

TA BEK PA TEMPO LIMITA



Un chance pa bo gana te cu  
**10% Cash Back**  
riba e balor di bo auto nobo.

- Tur deal aproba y firma lo haya 1% Cash Back riba e balor di e auto nobo.
- Alabes lo participa pa gana 10% di e balor di e auto nobo.
- 10 premio mas di cada un Afl. 500.00 pa The Movies at GLORIA.
- Un pago mensual cu ta fit den bo presupuesto.
- Aprobacion den 24 ora si ta cumpli cu tur rekisito y condicion.
- Pidi bo agencia di auto preferi pa e "Take Off+Cash Back" deal di CMB.

*Pidi bo agencia di auto preferi pa e "Take Off+Cash Back" deal di CMB.*

Pa cualkier pregunta of pa haci un calculacion por favor tuma  
contact cu nos via nos Live Chat di eAmigo.

**\*Ganadornan lo wordo anuncia dia 30 di Oct 2023.**




Presta responsabel. E oferta aki (Take Off+Cash Back) ta valido te cu 30 di september, 2023 y ta exclusivamente pa clientenan cu tin un record di pago satisfactorio segun exihencianan di Caribbean Mercantile Bank N.V. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 7.14% p.a. y 6.32% p.a. pa sumanan entre minimo Afl. 50,000.00 te cu maximo Afl. 150,000.00 cu un termino pa paga bek di te cu 6 aña. Un cobranza pa seguro di bida di Afl. 10.00 pa cada luna, y un gasto di administracion di Afl. 15.00 pa cada luna lo wordo afluadi automaticamente na bo prestamo. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Den e caso di un periodo di preaviso por escrito di seis luna o menos: suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: Afl. 500.00 lo ta aplicabel. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.



**SCAN Y PRE-APLICA**

**Chat cu nos**

**cmbnv.com**

 cmbnews  cmbnv  bobancoamigo